

特31

723

小學
必用
久保田梁山訓解
十八史畧讀本
卷三

大日本教育會館			
館			三
	四	一	〇
冊	冊	號	架函

特 21
723

廣瀨研山 校訂
久保田梁山 訓解

小學
必用
十八史畧

東京 書肆 正榮堂梓



理順

特31

723

東京
書館
圖書

漢

理

順


大學

三

義存

龍集丁丑十二月

梧樓主人題



三

三

必小學十八史略讀本卷之三目錄

三國

西晉

東晉

南北朝

隋

唐

小學十八史略讀本卷之三目錄終

小學十八史略讀本卷之三

漢土 前進士盧陵 曾先之 編次

武藏 久保田梁山訓解


日本

豐後 廣瀨 研山校訂

三國漢

附魏吳二僭國

按曾氏云天下非一統者本可各自一國編集又恐初學讀者迷其時代之先後今但以一國源流相接者為提頭而附同時之國於其間而曾氏仍陳壽之舊以魏稱帝而附漢吳刻既遵



朱子綱目義例而改正少微通鑑矣。今復正此書以漢接統云。

昭烈皇帝諱備字玄德漢景帝子中山靖王勝之後有大志少言語喜怒不形身長七尺五寸垂手下膝顧自見其耳。○蜀中傳言曹丕篡立帝已遇害於是漢中主發喪制服謚曰孝愍皇帝夏四月即帝位於武擔之南大赦改元章武。○以諸葛亮為丞相許靖為司徒。○立宗廟祫祭高皇帝以下。○立夫人吳氏為皇后子禪為皇太子。○魏主丕姓曹氏沛國譙人也父操為魏主丕嗣位首立九品官人

之法州郡皆置九品中正區別人物第其高下丕既篡漢自立為帝追尊操為太祖武皇帝改元黃初。○帝耻關羽之沒自將伐孫權權求和不許權遣使於魏魏封權為吳王魏主問吳使趙咨曰吳王頗知學乎咨曰吳王任賢使能志存經畧雖有餘閑博覽書史不效書生尋章摘句魏主曰吳難魏乎咨曰帶甲百萬江漢為池何難之有曰吳如大夫者幾人咨曰聰明特達者八九十人如臣之比車載斗量不可勝數。○帝自巫峽至夷陵立數十屯與吳軍相拒累月吳將陸遜連破其四十餘營帝夜遁。○魏主

責吳侍子不至。怒伐之。吳王改元黃武。臨江拒守。
○三年夏四月。帝崩。在位三年。改元者一。曰章武。謚
曰昭烈皇帝。太子禪即位。封亮為武鄉侯。太子既立。
是為後皇帝。

後皇帝名禪。字公嗣。昭烈皇帝子也。年十七即位。改
元建興。丞相諸葛亮受遺詔輔政。昭烈臨終謂亮曰。
君才十倍曹丕。必能安國家。終定大事。嗣子可輔。輔
之如其不可。君可自取。亮涕泣曰。臣敢不竭股肱之
力。效忠貞之節。繼之以死。亮乃約官職。修法制。下教
曰。夫參署者。集衆思。廣忠益也。若遠小嫌。難相違覆。

曠闕損矣。亮乃遣鄧芝使吳。修好。芝見吳王曰。蜀有
重險之固。吳有三江之阻。共為唇齒。進可兼吞天下。
退可鼎足而立。吳遂絕魏專。與漢和。○魏主以舟
師擊吳。吳列艦于江。江水盛長。魏主臨望。歎曰。我雖
有武夫千群。無所施也。於是還師。○南夷畔。漢丞
相亮往平之。有孟獲者。素為夷漢所服。亮生致獲。使
觀營陣。縱使更戰。七縱七禽。猶遣獲。獲不去。曰。公天
威也。南人不復反矣。○魏主又以舟師臨吳。見波
濤洶湧。歎曰。嗟乎。固天所以限南北也。○魏主丕
殂。僭位七年。改元者一。曰黃初。謚曰文皇帝。子叡立。

是為明帝。叡母被誅，丕嘗與叡出獵，見子母鹿，既射其母，使叡射其子。叡泣曰：陛下已殺其母，臣不忍殺其子。丕惻然，及是為嗣，即位。○處士管寧字幼安，自東漢末避地遼東。三十七年，魏徵之，乃浮海西歸。拜官不受。○漢丞相亮率諸軍北伐，魏臨發上疏曰：今天下三分，益州疲弊，此危急存亡之秋也。宜開張聖聽，不宜塞忠諫之路。宮中府中，俱為一體。陟罰臧否，不宜異同。若有作姦犯科及忠善者，宜付有司論其刑賞，以昭平明之治。親賢臣，遠小人，此先漢所以興隆也；親小人，遠賢臣，此後漢所以傾頽也。臣本

布衣躬耕南陽，苟全性命於亂世，不求聞達於諸侯。先帝不以臣卑鄙，猥自枉屈，三顧臣於草廬之中，諮臣以當世之事，由是感激，許先帝以驅馳。先帝知臣謹慎，臨崩寄以大事，受命以來，夙夜憂懼，恐付託不效，以傷先帝之明。故五月渡瀘，深入不毛，今南方已定，兵甲已足，當獎率二軍北定中原，興復漢室，還于舊都。此臣所以報先帝而忠陛下之職分也。遂屯漢中。○明年率大軍攻祁山，戎陣整齊，號令明肅。始魏以照烈既崩，數歲寂然無聞，畧無所備。猝聞亮出朝野，恐懼。於是天水安定等郡皆應亮。關中響震，魏主如長安。

遣張郃拒之。亮使馬謖督諸軍，戰于街亭。謖違亮節度，郃大破之。亮乃還漢中。已而復言於漢帝曰：漢賊不兩立，王業不偏安。臣鞠躬盡力，死而後已。至於成敗，利鈍非臣所能逆覩也。引兵出散關，圍陳倉，不克。○吳王孫權自稱皇帝於武昌，追尊父堅為武烈皇帝。兄策為長沙桓王。已而遷都建業。○蜀漢丞相亮又伐魏，圍祁山。魏遣司馬懿督諸軍拒亮。懿不肯戰。賈詡等曰：公畏蜀如虎，奈天下笑何？懿乃使張郃向亮。亮逆戰，魏兵大敗。亮以糧盡，退軍。郃追之，與亮戰，中伏，弩而死。亮還，勸農講武，作木牛流馬。治郃

閣。息民休士，三年而後用之。悉衆十萬，又由斜谷口伐魏。進軍渭南。魏大將車司馬懿引兵拒守。亮以前者數出，皆運糧不繼。使己志不伸，乃分兵屯田。耕者雜於渭濱居民之間，而百姓安堵。軍無私焉。亮數挑懿戰，懿不出。乃遺以巾幘婦人之服。亮使者至懿軍，懿問其寢食及事煩簡，而不及戎事。使者曰：諸葛公夙興夜寐，罰二十以上，皆親覽。所噉食不至數升。懿告人曰：食少事煩，其能久乎？亮病篤，有大星赤而墜。亮營中未幾，亮卒。長史楊儀整軍還，百姓奔告。懿懿追之，姜維令儀反旗鳴鼓，若將向懿。懿不敢逼。百

姓為之諺曰。死諸葛走生仲達。懿笑曰。吾能料生。不能料死。亮嘗推演兵法。作八陣圖。至是懿案行其營壘。歎曰。天下奇材也。亮為政無私。馬謖素為亮所知。及敗軍流涕。斬之。而卹其後。李平廖立皆為亮所廢。及聞亮之喪。皆歎息流涕。卒至發病死。史稱亮開誠心。布公道。刑政雖峻而無怨者。真識治之良材。而謂其材長於治國。將畧非所長。則非也。初丞相亮嘗表於帝曰。臣成都有桑八百株。薄田十五頃。子弟衣食自有餘。不別治生。以長尺寸。臣死之日。不使內有餘帛。外有贏財。以負陛下。至是卒如其言。謚忠武。○

魏主性好土功。先是既治許昌宮。後又作洛陽宮。徙長安鐘簾橐駝銅人承露盤於洛陽。盤折聲聞數十里。銅人重不可致。乃大發銅鑄銅人二。列坐於司馬門外。號曰翁仲。起土山於芳林園。植雜木。善草捕禽獸。致其中。諫者皆不納。○魏主有疾。召司馬懿入朝。以曹爽為大將軍。魏主歿。僭位十四年。改元者三。曰太和。青龍。景初。子芳立。是為廢帝。邵陵厲公芳八歲即位。司馬懿曹爽受遺詔輔政。懿為太傅。○漢自丞相亮既亡。蔣琬為政。楊敏毀琬曰。作事憤憤。不及前人。或請推治敏。琬曰。吾實不如前人。無可推。

琬卒。費禕董允為政。公亮盡忠。允卒。姜維與費禕並為政。○魏曹爽驕奢無度。司馬懿殺之。懿為魏丞相。加九錫。不受。爽之黨夏侯霸奔蜀。姜維問之曰。懿得政。復有征伐。志否。霸曰。彼營立家門。未遑外事。有鍾士季者。雖少。若管朝政。吳蜀之憂也。○魏司馬懿卒。以其子師為撫軍大將軍。錄尚書事。○吳主殂。謚曰太皇帝。子亮立。○漢費禕。汎愛不疑。降人刺殺之。姜維用事。數出兵攻魏。○魏李豐。數為魏主所召。司馬師知其議。已殺之。魏主不平。左右勸誅師。魏主不敢發。師廢魏主。僭位十六年。改元者二。曰

正始。嘉平。師迎立高貴鄉公。是為廢帝。名髦。文帝之孫。明帝之姪。年十四即位。○揚州都督母丑儉。刺史文欽起兵討司馬師。師擊敗之。師卒。弟昭為大將軍。錄尚書事。已而為大都督。假黃鉞。揚州都督諸葛誕起兵討昭。昭殺之。昭為相國。封晉公。加九錫。不受。○吳主亮親政。數出中書視太帝時舊事。嘗食生梅。索蜜。蜜中有鼠矢。召藏吏問曰。黃門從爾求蜜邪。吏曰。向求不敢與。黃門不服。令破鼠矢。矢中燥。因大笑曰。若矢先在。蜜中中外俱濕。今外濕內燥。必黃門所為也。詰之。果服。左右驚慄。大將軍孫綝以其多所難問。稱

疾不朝。以兵圍宮。廢亮為會稽王。迎立瑯琊王休。休立。以繇為丞相。繇又無禮於新君。遂被誅。○魏主髦見威權日去。不勝其忿。曰。司馬昭之心。路人所知也。率殿中宿衛蒼頭官僮。鼓譟出。欲誅昭。昭之黨賈充入。與魏主戰。成濟抽戈刺魏主髦。殞于車下。追廢為庶人。僭位七年。改元者二。曰正元。甘露。司馬昭迎立常道鄉公璜。是為魏元皇帝。常道鄉公元皇帝。初名璜。燕王宇之子。操之孫也。年十五即位。改名奐。○漢姜維屢伐魏。司馬昭患之。遣鄧艾鍾會將兵入寇。會從斜谷。駱谷。子牛谷。趨漢中。艾自狄道。趨甘松。沓中。以綴姜維。維聞會已入漢中。引兵從沓中還。艾追躡之。大戰。維敗走。還守劍閣。以拒會。艾進至陰平。行無人之地。七百里。鑿山通道。造作橋閣。山高谷深。艾以糧自裹。推轉而下。將士皆攀木緣崖。魚貫而進。至江油。以書誘漢將諸葛瞻。瞻斬其使。列陣綿竹。以待。敗績。漢將軍諸葛瞻死之。瞻子尚曰。父子荷國重恩。不早斬黃皓。使敗國殄民。用生何為策。馬冒陳而死。○漢人不意魏兵卒至。不為城守。乃遣使奉璽綬詣父降。皇子北地王譙怒曰。若理窮力屈。禍敗將及。便當父子君臣背城一戰。同死社稷。以見先帝可也。

奈何降乎。帝不聽。謀哭於昭烈之廟。先殺妻子。而後自殺。父至成都。帝出降。魏封為安樂公。帝在位四十一年。改元者四。曰建興。延熙。景耀。炎興。石自高帝元年乙未。至後帝禪炎。興癸未。凡二十六帝。通四百六十九年。而漢亡。○吳主休歿。諡曰景皇帝。兄子烏程侯皓立。○魏司馬昭先是已受九錫。已而進爵為晉王。昭卒。子炎嗣。魏主奐僭位六年。改元二。曰景元。咸熙。炎迫魏主禪位。封為陳留王。後卒。晉人諡之曰元。○魏自曹丕。至是凡五世。四十六年而亡。○自漢亡後。又歷甲申。關正統一年。

西晉

西晉世祖武皇帝。姓司馬。名炎。河內人。昭之子。懿之孫也。昭為晉王。議立世子。議者以炎髮立。委地。手垂。過膝。非人臣之相。遂立已而嗣。為王。即帝位。追尊懿為宣皇帝。師為景皇帝。昭為文皇帝。大封宗室。晉有滅吳之志。以羊祜都督荊州事。吳以陸抗都督諸軍。祜與抗對境。使命常通。抗遺祜酒。祜飲之不疑。抗疾。祜與之成藥。抗即服之。曰。豈有酖人羊叔子哉。祜務修德政。以懷吳人。每交兵。刻日方戰。不掩襲。抗亦告其邊戍。各保分界而已。毋求細利。時吳主皓不修德。

政而欲兼并使術士筮取天下對曰庚子歲青蓋當入洛陽蓋謂銜璧之事而皓不悟用諸將謀教侵盜晉邊抗諫不聽抗卒祐請伐吳議者多不同祐歎曰天下不如意事十常七八惟杜預張華贊其計祐病求入朝面陳晉帝欲使祐卧護諸將祐曰取吳不必臣行但平吳之後當勞聖慮耳祐卒以杜預為鎮南大將軍督荊州軍事吳主皓淫虐日甚預表請速征之表至張華適與帝暴即推枰歛手贊其決帝許之山濤告人曰自非聖人外寧必有內憂釋吳為外懼豈非筭乎時濤為吏部尚書濤昔在魏晉之間與執首

康阮籍籍兄子咸向秀王戎劉伶相友號竹林七賢皆崇尚老莊虛無之學輕蔑禮法縱酒昏酣遺落世事士大夫皆慕效之謂之放達惟濤仍留意世事至是典選甄拔人物各為題自而奏之時人稱之為山公啓事 ○晉大舉伐吳杜預出江陵王濬下巴蜀吳人於江磧要害處并以鐵鎖橫江截之又作鐵錐長丈餘暗置江中逆拒舟艦濬作大筏令善水者以筏先行遇錐輒著筏而去又作大炬灌以麻油遇鎖燒之須臾融液斷絕於是船無所礙遂先克上流諸郡預遣人率奇兵夜渡吳將懼曰北來諸軍乃飛渡

江也。預分兵與潛合攻武昌，降之。預謂兵威已振，譬
 如破竹，數節之後，迎刃而解，無復著手處也。遂指授
 群帥方略，徑造建業。潛戎卒八萬，方舟百里，舉帆直
 指建業。鼓譟入石頭城。吳主皓面縛輿櫬，降封歸命
 侯。遂符庚子入洛之讖。自太帝至是，四世稱帝者凡
 五十二年而亡。遯孫策定江東以來，通八十餘年。晉
 代魏十有六年。至太康元年而滅吳。又十年，帝崩。帝
 初即位，嘗焚雉頭裘於太極殿前，以示儉。既而侈縱
 後宮數千，常乘羊車。宮人插竹葉于門，洒塩以待之。
 羊車所至，即留酣宴。與群臣語，未嘗有經國遠謀。自

吳既平，謂天下無事，盡去州郡武備。山濤獨憂之。漢
 魏以來，羗胡鮮卑降者多，處塞內，諸郡郭欽嘗上疏
 謂宜及平吳之威，漸徙內郡雜胡於邊地，峻四夷出
 入之防。明先王荒服之制，帝不聽。卒為天下患。帝在
 位，改元者三，曰泰始、咸寧、太康。太子立，是為孝惠皇帝。
 孝惠皇帝名衷，性不慧。為太子時，納妃賈氏，充之女
 也。多權詐。衛瓘嘗侍武帝，陽醉，跪于前，以手撫床曰：「此
 座可惜。」武帝悟，密封尚書，疑事。令太子決之。賈氏大
 懼，倩外人具草代對。令太子自寫武帝悅，得不廢。至
 是即位。賈氏為皇后，預政。皇太后楊氏乃帝母。楊后

小... 卷之三

之從妹。父駿為太傅。賈后殺駿而廢太后。殺太宰汝南王亮。殺太保衛瓘。殺楚王瑋。以衆望用張華。裴頠。王戎。管機。要華。盡忠。帝室后雖凶險。猶知敬重。與頠同心。輔政數年之間。雖暗主在上。而朝野安靜。戎與時浮沈。無所匡救。性復貪吝。田園遍天下。執牙籌。晝夜會計。家有好李。恐人得其種。常鑽其核。凡所賞拔。專事虛名。阮咸之子瞻見戎。戎問曰。聖人貴名教。老莊明自然。其旨異同。瞻曰。將無同。戎咨嗟良久。遂辟之時。號三語掾。是時王衍樂廣皆善清談。衍神情明秀。少時山濤見之。曰。何物老嫗生寧馨兒。然誤天下。

蒼生者未必非此人也。衍弟澄及阮咸咸從子脩。胡毋輔之。謝鯤。畢卓等皆以任放為達。醉裸不以為非。比舍郎釀熟。卓夜至甕間盜飲。為守者所縛。且視之。畢吏部也。樂廣聞而笑之。曰。名教中自有樂地。何必乃爾。初魏時何晏等立論。以天地萬物皆以無為本。衍等愛重之。裴頠著崇有論。不能救。○太子適

非賈后所生。后廢殺之。征西大將軍趙王倫矯詔。勒兵入宮。廢后殺之。殺張華。裴頠。倫為相國。淮南王允率兵討倫。不克。死。倫殺衛尉石崇。崇有愛妾綠珠。倫嬖人孫秀求之。不與。秀誣崇奉允為亂。叔之。崇曰。奴

小學一八口各讀本 卷之三 十一 正榮堂藏版

輦利吾財耳。叔者曰：知財為禍，何不早散之？遂被殺。
 倫自加九錫，逼帝禪位。黨與皆為卿相，奴卒亦加爵。
 位。每朝會，貂蟬盈坐。時人語曰：貂不足，狗尾續。齊王
 冏鎮許昌，成都王穎鎮鄴，河間王顥鎮關中，各舉兵。
 討倫。倫伏誅。冏輔政，驕奢擅權。顥使長沙王乂殺之。
 穎亦恃功驕奢，已而與顥舉兵。乂奉帝及穎戰，穎
 將陸機戰敗，被放。歎曰：華亭鶴唳，可復聞乎？與弟雲
 皆為穎所殺。機雲皆陸抗子也。穎進兵入京師，為丞
 相。已而還鄴。顥表穎為皇太弟，東海王越奉帝，命征
 穎。穎遣兵拒戰于蕩陰，乘輿敗績。侍中嵇紹以身衛

帝被殺，血濺帝衣。穎迎帝入鄴，左右欲浣帝衣。帝曰：
 帝被殺，血勿浣也。穎奉帝還洛，顥將張方在洛。還帝
 於長安，顥廢太弟穎，更立豫章王熾為太弟。東海王
 越發兵西入長安，奉帝還洛。以越輔政，成都王穎先
 據洛陽，已而奔長安。又自武關奔新野，遂北濟河。叔
 故將士為頌，止太守所執。時范陽王虓據鄴，送穎於
 虓。未幾被殺。○帝食麵，中毒而崩。或曰：東海王越鳩之
 也。帝昏愚，天下大饑。帝曰：何不食肉糜？華林園聞蛙
 鳴，帝曰：彼鳴者為官乎？為私乎？左右戲之曰：在官地
 者為官，在私地者為私。方賈氏專政，時人知將亂，索

靖指洛陽宮門銅駝歎曰會見汝在荆棘中耳趙王倫亂後諸王迭相殘滅天下大亂 ○劉淵興于左國城淵故南匈奴之後匈奴由漢魏以來臣中國其先世自以漢甥冒漢姓父豹為左部帥生淵幼而高異博習經史嘗曰吾耻隨陸無武遇高帝而不能建封侯之業絳灌無文遇文帝而不能興庠序之教豈不惜哉於是兼學武事姿貌魁偉初為侍子在洛豹死武帝以淵代為五部帥既而為北部都尉五部豪傑多歸之及帝世以為五部大都督成都王穎表為左賢王嘗使將兵在鄴淵子聰亦驍勇絕人博涉經

史善屬文彎弓三百斤淵從祖宣曰漢亡以來我單于徒有虛號無復尺土自餘王侯降同編戶今吾眾雖衰猶二萬奈何歛手受役奄過百年司馬氏骨肉相殘四海鼎沸左賢王英武超世復呼韓邪之業此其時也乃相與謀推之淵說穎請歸帥五部來助既至左國城宣等推為大單于二旬間眾五萬都離石胡晉歸之者愈眾乃建國號曰漢稱漢王淵有族子曜生而眉白目有赤光幼聰慧有膽量亦好讀書屬文射能洞鐵七寸至是為淵將 ○巴西氏李特初以流民入蜀旬月眾二萬據廣漢進攻成都為刺史

羅尚所敗斬其首第流代領其眾勢復盛流死弟雄
 代攻走羅尚入成都至是自稱成都王 ○鮮卑慕
 容廆自武帝時已為寇既而降以為鮮卑都督廆生
 皝自遼東徙居徒河又徙大棘城及帝世慕容部愈
 盛 ○鮮卑索頭拓跋氏先是有質子在晉武帝遣
 歸既而拓跋力微又遣其子入貢力微死子悉祿官
 立及帝世索頭分國為三部一居上谷之北祿官自
 統之一居代郡參合陂之北使兄子猗色統之一居
 定襄之盛樂故城使猗色弟猗盧統之晉人附者稍
 衆猗色渡漠北巡西畧諸國降附者三十餘國拓跋

氏之盛始於此夷狄亂華之禍皆萌蘖於漢魏晉間
 至帝之世乘中國大亂始四起 ○帝在位十七年
 改元者五曰元康永康太安永興光熙太弟立是為

孝懷皇帝

孝懷皇帝 名熾當惠帝之十五年武帝子二十五年

兄弟相屠之餘存者三人而已熾其一也素好學故
 立為太弟至是即位 ○成都王李雄稱帝國號成

○漢王劉淵稱帝徙都平陽遣其子聰及石勒等
 攻晉內郡以至洛陽勒武鄉羯人也先是嘗至洛陽
 倚上東門長嘯王衍識其有異後為寇已而從漢

○漢主淵卒子而立聰弒而代之 ○太傅東海王

越遣兵入宿衛仍遣使以羽檄徵天下兵入援越自

帥兵討石勒卒于軍勒兵敗越軍執太尉王衍等衍

自言少無宦情不豫世事勒曰吾行天下多矣未嘗

見此輩人尚可存乎或曰彼皆晉之王公終不為吾

用勒曰雖然要不可加以鋒刃夜使人排墻殺之

○漢主聰遣呼延晏將兵攻洛陽劉曜王彌石勒皆

會遂陷洛陽執帝送平陽尋被殺 ○帝在位六年

改元者一曰永嘉秦王立於長安是為孝愍皇帝

孝愍皇帝名業吳王晏之子武帝孫也封秦王洛陽

既陷荀藩秦王趨許昌時年十二已而索綝迎入雍

州刺史賈疋等奉為皇太子建行臺盜殺疋麴允領

雍州懷帝凶問至王即位於長安 ○石勒遣石虎

攻鄴陷而據之 ○漢屢寇長安麴允索綝屢敗之

未幾漢兵連陷諸郡逼長安先陷外城麴允索綝退

守小城內外斷絕城中饑甚帝出降漢將劉曜送平

陽聰享群臣命帝著青衣行酒洗爵又使執蓋後遇

害帝在位四年改元者一曰建興西晉自武帝至是

凡四世五十二年瑯琊王立於建業是為中宗元皇

帝

東晉

中宗元皇帝名睿。瑯琊王伯之孫也。宣帝懿生伯。伯生觀。或曰睿母實與瑯琊小吏牛金通而生睿。嗣觀為王於惠懷為再從兄弟。懷帝時睿為安東將軍。都督揚州諸軍。鎮建業。睿以王導為謀主。每事咨焉。睿名論素輕。吳人初不附。導勸用諸名勝。顧榮。賀循。紀瞻等為掾屬。撫綏新舊。江東歸心焉。後又得庾亮。卞壺等百餘人。謂之百六掾。桓彝避亂過江。見睿微弱憂之。既而見導。退謂周顛曰。江左有管夷吾。吾無憂矣。諸名士遊宴新亭。顛中坐而歎曰。風景不殊。舉目

有江河之異。因相視流涕。導曰。當戮力王室。共復神州。何至作楚囚對泣邪。愍帝以睿為左丞相。洛陽祖逖少有壯志。嘗與劉琨同寢。中夜聞鷄聲。蹴琨起曰。此非惡聲也。因起舞。及是南渡。請兵於睿。睿素無北伐之志。以逖為豫州刺史。與兵千人。不給鎧仗。逖渡江。中流擊楫而誓曰。祖逖不能清中原而復濟者。有如此江。愍帝又以睿為丞相。都督中外諸軍事。長安陷。睿出師露次。移檄北征。實不行。群臣勸即晉王位。明年遂即皇帝位。○太尉劉琨死。初。琨與祖逖齊名。琨謂人曰。常恐祖生先吾著鞭。懷愍時為并州刺

史。琨出軍。長史叛降石勒。幽州刺史段匹碑。時在薊城。遣人邀琨。琨率眾奔薊。與匹碑歃血同盟。翼戴晉室。有欲襲取薊者。遣書請琨為內應。書為邏騎所獲。而琨實不知也。竟為匹碑所縊。○漢主劉聰卒。子祭立。其臣靳準弒而代之。石勒討準。劉曜自立。封勒為趙公。曜疑勒。自稱趙王。曜亦改號為趙。勒為後趙。○略陽臨渭氏酋蒲洪。驍勇多權畧。群氏畏服之。劉聰嘗拜為將軍。不受。在懷帝世。自稱略陽公。至是降于趙主曜。○晉豫州刺史祖逖卒。初。逖取譙城。進屯雍丘。後趙鎮戍歸逖者甚眾。逖與將士同甘苦。

勸課農桑。撫納新附。帝以戴淵為將軍。來督諸軍事。逖以已剪荆棘。收河南地。而淵雍容。一旦來統之意。甚怏怏。又聞王敦與朝廷構隙。將有內難。知大功不遂。感激發病卒。豫州士女若喪父母。○鮮卑慕容廆。先是嘗遣使于晉。受帝命為平州刺史。至是以為平州牧。遼東公。○初。拓跋祿官死。猗盧總攝三部。劉琨與猗盧結為兄弟。懷帝時。表為大軍于。封代公。帥部落自雲中入雁門。琨與以陘北之地。由是益盛。嘗為琨援。大敗劉曜之兵。於晉陽。猗盧城成樂。為北都。平城為南都。愍帝進猗盧爵為王。置官屬。食代常。

山二郡。猗盧愛少子。欲立為嗣。而出其長子六脩。使六脩拜其弟。不從而去。大怒討之。兵敗而遇弒。猗屯之子普根討滅六脩而自立。尋卒。國人立猗盧弟之子鬱律。至是猗屯之妻殺鬱律而立其子賀偃。鬱律子什翼犍在襁褓。母匿之袴下。得不殺。○晉荊州刺史王敦反。初帝之始鎮江東也。敦與從弟導同心。翼戴推心任之。敦總征討。導專機政。群從子弟布列顯要。時人語曰。王與馬共天下。敦先領揚州刺史。都督征討諸軍。進為鎮東大將軍。都督江揚荆湘交廣六州諸軍事。江州刺史。尋領荊州。恃功驕恣。帝畏惡之。乃引劉隗刀協為腹心。稍抑損王氏權。導亦漸見疎外。敦參軍錢鳳等凶狡。知敦有異志。陰為畫策。至是敦遂舉兵武昌。以誅劉隗刀協為名。隗協勸帝盡誅王氏。帝不許。導率宗族。每旦詣臺待罪。周顛將入。導呼之曰。伯仁。以百口累卿。顛不顧入。見帝言導忠誠。申救甚至。帝納其言。顛醉而出。導又呼。顛不與言。顧左右曰。今年殺諸賊奴。取金印如斗。大繫肘後。既出。又上表明導無罪。導不知。恨之。帝召見導。導誓首曰。亂臣賊子。何代無之。不意今者。近出臣族。帝跣而執其手曰。茂弘。方寄卿以百里之命。以為前鋒。大都

之乃引劉隗刀協為腹心。稍抑損王氏權。導亦漸見疎外。敦參軍錢鳳等凶狡。知敦有異志。陰為畫策。至是敦遂舉兵武昌。以誅劉隗刀協為名。隗協勸帝盡誅王氏。帝不許。導率宗族。每旦詣臺待罪。周顛將入。導呼之曰。伯仁。以百口累卿。顛不顧入。見帝言導忠誠。申救甚至。帝納其言。顛醉而出。導又呼。顛不與言。顧左右曰。今年殺諸賊奴。取金印如斗。大繫肘後。既出。又上表明導無罪。導不知。恨之。帝召見導。導誓首曰。亂臣賊子。何代無之。不意今者。近出臣族。帝跣而執其手曰。茂弘。方寄卿以百里之命。以為前鋒。大都

督敦至石頭城據之曰吾不復得為盛德事矣。協隗等分道出戰大敗而還。帝令百官詣石頭見敦。敦殺周顛。導不救。後料檢中書。故事見顛表。執之流涕曰。吾雖不殺伯仁。伯仁由我而死。幽冥之間。負此良友。敦不朝而去。還武昌。帝憂憤成疾而崩。在位六年。改元者三。曰建武。大興。永昌。太子立。是為肅宗明皇帝。肅宗明皇帝名紹。幼而聰慧。嘗有使者從長安來。元帝問紹曰。長安近歟。日近。紹曰。長安近。但聞人從長安來。不聞人從日邊來。元帝奇其對。一日與群臣語及之。復以問紹。紹曰。日近。元帝愕然曰。何異間者之

言邪。紹曰。舉頭見日。不見長安。元帝益奇之。及長仁孝。喜文辭。善武藝。好賢禮士。受規諫。與庾亮溫嶠等為布衣之交。敦在石頭。以其有勇畧。欲誣以不孝而廢之。賴嶠等衆論沮其謀。至是即位。敦謀篡位。移屯姑熟。自領揚州牧。○以王導為司徒。加大都督。督諸軍討敦。敦復反。發兵而病。使郭璞筮之。璞曰。明公起事禍必不久。敦大怒曰。卿壽幾何。璞曰。命盡今日。日中敦斬之。帝自出覘敦軍。敦晝夢日環其營。驚悟曰。黃鬚鮮卑兒來邪。帝母鮮卑出也。亟遣人追之。不及。帝帥諸軍出屯南皇堂。夜募壯士渡水掩敦兄王

含軍大破之。敦聞含敗曰：我兄老婢耳，門戶衰，世事去矣。因作勢起，欲自行，困乏，復卧。尋卒。敦黨悉平，發敦屍斬之。有司奏罪王氏兄弟，詔曰：司徒導以大義滅親，將十世宥之，悉無所問。○以陶侃都督荆湘等州，諸軍事。侃少孤貧，孝廉范逵過之，侃母湛氏截髮賣為酒食，逵薦侃，遂知名。初為荊州都督，劉弘所用。討義陽叛蠻張昌，又討破江東叛將陳敏，又擊破湘州劇賊杜弢。自江夏太守為荊州刺史，王敦疾之。左遷廣州刺史。侃在州，朝運百甓於齋外，暮運於齋內。人問其故，荅曰：吾方致力中原，故習勞耳。至是復鎮荊州，士女相慶。侃性聰敏，恭勤嘗曰：大禹聖人，乃惜寸陰，眾人當惜分陰。取諸參佐，酒器捕博，具悉投於江。曰：擄捕者，牧猪奴戲耳。嘗造船，藉竹頭木屑而掌之。後正會，雪霽地濕，以木屑布地。及後有征蜀之師，得侃竹頭作釘，裝船。其綜理微密，類此。○帝崩，在位三年。改元者一，曰太寧。太子立，是為顯宗成皇帝。

顯宗成皇帝名衍，母庾氏五歲即位。司徒導與帝舅中書令庾亮輔政。太后臨朝。○歷陽內史蘇峻反，峻前守臨淮。於王敦再犯闕時入衛有功，威望漸著。

○歷陽內史蘇峻反，峻前守臨淮。於王敦再犯闕時入衛有功，威望漸著。

及在歷陽卒銳器精志輕朝廷招納亡命庾亮修石頭城以備之建請徵峻為太司農峻舉兵陷姑孰尚書令卞壺督軍與峻力戰死二子隨之亦赴敵死毋撫其屍曰父為忠臣子為孝子何恨庾亮出奔峻兵犯關陶侃溫嶠入討峻斬之 ○後趙主石勒太破趙兵獲趙主劉曜曜與勒連攻戰互勝負曜攻後趙金墉城勒自將救之大戰于洛陽趙兵大潰曜醉墮馬為勒獲歸殺之前趙亡 ○晉驃騎將軍溫嶠卒嶠初為劉琨所遣使江東毋不欲嶠絕裾而去既至不復得歸北終身以為恨嶠盡心晉室敦峻之平皆

嶠力 ○後趙石勒稱天王尋稱帝嘗大饗群臣問曰朕可方古何主或曰過於漢高勒笑曰人豈不自知卿言太過若遇高帝當北面事之與韓彭比肩耳若遇光武當並驅中原未知鹿死誰手大丈夫行事當礪礪落落如日月皎然終不效曹孟德司馬仲達欺人孤兒寡婦孤媚以取天下也勒雖不學好使人讀書而聽之時以其意論得失聞者悅服嘗聽讀漢書至酈食其勸立六國後驚曰此法當失何以遂得天下及聞張良諫乃曰賴有此耳後遣使修好于晉晉焚其幣勒卒子弘立 ○晉大尉陶侃卒侃都督

八州。威名赫然。或謂侃嘗夢生八翼上天門。至八重折左翼而下。力能跋扈。每思折翼之夢。輒自制在軍四十一年。明毅善斷。人不能欺。自南陵至白帝數千里。路不拾遺。○後趙石虎殺其主弘。而自立為趙天王。殺勒種無遺。○成改國號曰漢。李雄以兄子班為太子。雄卒。班立。雄子越弒班而立。其弟期期忌雄弟。漢王壽威名使出屯于外。壽還襲弒期而自立。○代王什翼犍立。先是代王賀儔卒。弟紇那嗣。紇那出奔。鬱律子翳槐立。紇那復還。翳槐奔趙。趙納翳槐于代。翳槐臨卒。命諸大人立弟什翼犍。自猗盧死。

國多內難。部落離散。什翼犍雄勇有智略。能脩祖業。始制百官。號令明白。政事清簡。百姓安之。於是東自歲貊。西及破落那。南距陰山。北盡沙漠。率皆歸服。有眾數十萬人。拓跋氏自是愈大。○晉丞相王導卒。初帝即位。冲幼。每見導必拜。既冠。猶然。委政於導。導以門地。王述為掾。述未知名。人謂之痴。既見問江東米價。述張目不答。導曰。王掾不痴。導每發言。一坐莫不贊歎。述正色曰。人非堯舜。何得每事盡善。導改容謝之。導性寬厚。所委任諸將多不奉法。大臣患之。庾亮欲起兵廢導。或勸導密備。導曰。吾與元規休戚是

小學一八八卷八

同。元規若來，吾便角巾歸第。復何懼哉！亮雖居外鎮，而遙執朝權，據上流，擁強兵，趨勢者多，歸之。導內不能平，嘗遇西風塵起，舉扇自蔽。徐曰：元規塵汚人，導簡素寡欲，善因事就功，雖無日用之益，而歲計有餘。輔相三世，倉無儲穀，衣不重帛。○晉司空庾亮卒。初蘇峻之亂，亮激之也。峻平，亮泥首謝罪，求外鎮，自效。後都督江荆等州諸軍事，辟殷浩參軍，浩與褚裒皆識度清遠，善談老易，擅名江東，而浩尤為風流。所宗。亮欲開復中原，上疏請率大衆移鎮石城，遣諸軍羅布江沔，為伐趙之規。蔡謨曰：不能以大江禦蘇峻，安能以沔水禦石虎。乃詔亮不聽，移鎮至是卒于武昌。○晉封慕容皝為燕王，自皝父為遼東公立，皝為世子，雄毅多權略，喜經術，虜卒皝立其下，勸稱王。皝使請于晉，遂封之。○帝在位十八年，頗有勤儉之德。改元者二，曰咸和，咸康。崩，二子丕、奕在襁褓，帝母弟瑯琊王立，是為康皇帝。

康皇帝名嶽，成帝臨崩，以嶽為嗣，遂即位。○都督荆江等州軍事庾翼，為人慷慨，喜功名，不尚浮華。殷浩才名冠世，翼弗之重，曰：此輩宜束之高閣，俟天下太平，徐議其任耳。時人擬浩管葛，伺其出處，以卜興

亡。曰。淵源不出。當如蒼生。何翼請浩為司馬。不應。翼以王夷甫嘲之。瑯琊內史桓温豪爽。有風概。翼嘗薦之。曰。英雄之才。宜委以方召之任。至是翼以滅胡取蜀為己任。欲悉眾北伐。移鎮襄陽。詔翼都督征討諸軍。翼以温為前鋒督。○漢主李壽卒。子勢立。帝在位三年崩。改元者。曰。建元。太子立。是為孝宗穆皇帝。

孝宗穆皇帝名聃。三歲即位。會稽王昱輔政。○庾翼卒。以桓温都督荆梁等州軍事。翼初表其子領荊州。何充曰。荆楚國之西門。豈可以白面少年當之。桓

温英略過人。西任無出温者。丹陽尹劉惔知温有不臣之志。謂昱曰。温不可使居形勝地。昱不聽。竟以温代翼。○漢王李勢驕淫。不恤國事。桓温帥師伐漢。拜表即行。進至成都。勢降。送建康。漢亡。○燕王慕容皝卒。子雋立。○趙天王石虎稱帝。尋卒。子世立。其兄遵弒之而自立。趙亂。晉征討都督褚裒表請伐趙。朝野以為中原指期可復。蔡謨獨以為莫若度德量力。經營分表。恐憂及朝廷。裒遣將果敗沒。○趙蒲洪遣使降晉。洪事趙累世。至是石閔言於趙主遵曰。蒲洪人傑也。今鎮關中。恐秦雍非國家有。遵罷洪。

小學一八八各書下

卷之三

二十一

三

都督洪怒歸枋頭。遂通于晉。○涼州張重華自稱

涼王。初惠帝之世。張軌為涼州刺史。威著西土。懷帝

陷沒。軌遣兵助愍帝於長安。帝以軌為涼州牧。西平

公。軌卒。子寔立。寔為妖賊所殺。弟茂立。趙主劉曜擊

茂。茂降趙。茂卒。寔之子駿立。茂臨終語駿。必奉晉。不

可失。駿雖復。臣於後趙。石勒恥之。成帝時。假道於蜀。

以通晉。駿卒。子重華立。晉遣使仍拜西平公。重華自

為王。○後趙石鑑弒其主遵而自立。石閔又幽鑑

殺之。而自立。改國號曰魏。殺虎三十八。孫盡滅。石氏

閔姓冉。為石氏所養。至是復其姓。後為燕所破。執而

殺之。○蒲洪自稱三秦王。改姓苻。洪先擒趙將麻

秋。不殺。而用其言。因宴為秋所鳩。子健斬秋。代領洪

衆。健入長安。自稱秦天王。已而稱帝。○燕王雋稱

帝。○趙姚襄歸晉。而復叛。襄父弋仲。南安赤亭。羗

酋也。懷帝末。戎夏襁負隨之者數萬。自稱扶風公。其

後服於前趙。劉曜又事後趙。石勒石虎甚重之。以

為冠軍大將軍。虎死。趙亂。至冉閔滅趙。弋仲遣使降

晉。弋仲卒。襄率其衆來晉。詔襄屯譙城。後屯歷陽。揚

豫州都督殷浩在壽春。惡襄強盛。遣將襲之。為襄所

斬。先是朝廷聞中原大亂。復謀進取。浩受任。連年北

伐無功。至是率諸軍再舉。襄伏甲邀之。浩至山桑。襄
 縱擊浩大敗走。○涼張重華卒。子曜靈立。其下廢
 之而立張祚。○晉桓溫因殷浩之敗。請廢浩。免為
 庶人。朝廷初以浩抗溫。浩廢自此內外大權一歸溫
 矣。浩雖愁怨。不形辭色。嘗書空作咄咄怪事。字久之
 郝超勸溫處浩。令僕以書告之。浩欣然答書。慮有誤。
 開閉十數。竟達空函。溫大怒。遂絕卒於謫所。○桓
 溫帥師伐秦。大敗秦兵于藍田。轉戰至灊上。秦主苻
 健閉長安小城自守。三輔皆來降。溫撫諭居民。使安
 堵。民爭持牛酒迎勞。男女夾路觀之者。老有垂泣者。

曰。不圖今日復覩官軍。北海王猛字景略。倜儻有大
 志。隱居華陰。聞溫入關。被褐謁之。捫虱而談。當世之
 務。旁若無人。溫異之。問猛曰。吾奉命除殘賊。而三秦
 豪傑未有至者。何也。猛曰。公不遠數千里。深入敵境。
 今長安咫尺。而不度灊水。百姓未知公心。所以不至。
 溫默然。無以應。溫與秦兵戰于白鹿原。不利。秦人清
 野。溫軍乏食。欲與猛俱還。猛不就。○秦主健卒。子
 生立。○涼張祚淫虐被弒。子女覲立。○姚襄降
 于燕北。據許昌。又攻洛陽。桓溫督諸軍討襄。進至河
 上。與寮屬登平乘樓。北望中原。歎曰。使神州陸沉。百

年。王夷甫諸人不得不任其責。至伊水。襄戰連敗而走。温屯金墉。謁諸陵。置鎮戍而還。襄將西圖關中。秦遣兵拒擊。斬襄。襄弟萇以衆降秦。○秦苻堅弒其君生。自立為秦天王。有薦王猛於堅者。一見如舊。自謂如玄德之於孔明。一歲中五遷官。舉異才。修廢職。課農桑。恤困窮。秦民大悅。○燕主慕容雋卒。子暉立。○晉桓温以謝安為征西司馬。安少有重名。前後徵辟皆不就。士大夫相謂曰。安石不出。如蒼生何。年四十餘乃出。○帝在位十七年。崩。改元者二。曰永和。升平。無嗣。成帝子瑯琊王立。是為哀皇帝。

哀皇帝名丕。即位二年而寢疾。又一年而崩。改元者二。曰隆和。興寧。弟瑯琊王立。是為帝奕。○桓温自哀帝時為太司馬。都督中外諸軍事。錄尚書事。加揚州牧。移鎮姑孰。以郗超為參軍。王珣為主簿。人語曰。髯參軍。短主簿。能令公喜。能令公怒。○燕人攻陷洛陽。戍將死之。温帥師伐燕。戰于枋頭。大敗而還。○燕慕容垂既擊破晉軍。威名日盛。燕王忌之。垂奔秦。○秦王猛督諸軍伐燕。遂圍鄴。秦主苻堅入鄴。執燕主慕容暉以歸。○晉桓温陰

小學一八八各書卷之三 哀皇帝 三

蓄不臣之志。嘗撫枕歎曰。男子不能流芳百世。亦當遺臭萬年。欲先立功。還受九錫。及枋頭之敗。威名頓挫。郗超勸溫行伊霍之事。以立大威權。溫遂入朝。白太后廢帝。在位六年。改元者一。曰太和。會稽王立。是為簡文皇帝。

簡文皇帝名昱。元帝子也。清虛寡欲。尤善玄言。桓溫迎即位。九閱月而不豫。急召桓溫入輔。如諸葛武侯王丞相故事。溫望帝臨終禪位。否即居攝。不副所望。時謝安王坦之在朝。溫疑坦之安沮其事。心甚銜之。帝在位改元者一。曰咸安。太子立。是為烈宗孝武皇帝。

帝

烈宗孝武皇帝名昌明。年十歲即位。○桓溫來朝。詔謝安王坦之迎于新亭。都下洶洶云欲誅王謝。因移晉祚。坦之甚懼。安神色不變。溫既至。百官拜于道側。溫大陳兵衛。延見朝士。坦之流汗沾衣。倒執手板。安從容就席。謂溫曰。安聞諸侯有道。守在四鄰。明公何須壁後置人邪。溫笑曰。正自不能爾。遂命撤之。與安笑語。移日。郗超卧帳中。聽其言。風動。帳開。安笑曰。郗生可謂入幕之賓矣。溫有疾。還姑孰。疾篤。諷求九錫。安坦之故。緩其事。尋卒。○秦丞相王猛卒。秦

主堅哭之曰。天不欲使吾平一六合邪。何奪吾景畧之速也。猛臨終謂堅曰。晉雖僻處江南。然正朔相承。上下安和。臣沒之後。願勿以晉為圖。鮮卑西羗。我之仇敵。終為人患。宜漸徐之。以安社稷。○涼降于秦。先是張玄靚之叔父天錫。殺玄靚而自立。天錫荒于酒色。政亂秦。伐之。兵至姑臧。天錫面縛。出送長安。○代王拓跋什翼犍。世子寔早卒。繼嗣未定。庶長子遂殺其諸弟。併殺什翼犍。會秦兵擊代。部衆逃潰。國中大亂。秦主苻堅分代為二部。自河以東屬代。南部大人劉庫仁。自河以西屬匈奴。劉衛辰使統其衆。代

世子寔之子珪尚幼。母賀氏以珪走依賀訥。已而依庫仁。庫仁奉珪。恩勤不以廢興易意。○晉以秦人強盛為憂。詔求良將。可鎮禦北方者。謝安以兄子玄應詔。郗超歎之曰。安之明。乃能違衆舉親。玄才不負所舉。吾嘗見其使才。雖展履間。未嘗不得其任。玄鎮廣陵。得劉牢之等為參軍。戰無不捷。號北府兵。敵人畏之。○秦遣兵分道寇晉。陷諸郡。執襄陽刺史朱序。以歸。已而議大舉。或謂晉有長江之險。堅曰。以吾之衆。投鞭於江。可斷其流。時中外皆諫。惟慕容垂姚萇。欲乘其釁。勸之南伐。堅遂發長安戍卒六十餘萬。

騎二十七萬。晉以謝石為征討大都督。謝玄為前鋒。都督督衆八萬拒之。劉牢之帥精兵五千趨洛澗。直渡水擊秦前鋒。梁成斬之。石等水陸繼進。堅登壽陽城望見。晉兵部陣嚴整。又望見八公山草木皆以為晉兵。憚然有懼色。秦兵逼肥水而陣。玄使人謂曰。移陣小却。使我兵得渡。以決勝負。可乎。堅欲聽。晉兵半渡。感之。麾兵使却。秦兵退不可復止。朱序在陣後呼曰。秦兵敗矣。遂潰。玄等乘勝追擊。秦兵大敗。走者聞風聲鶴唳。皆以為晉兵至。堅狼狽還長安。○慕容垂叛秦起於河內。自稱燕王。○姚萇叛秦起於北

地。自稱秦王。是為後秦。○慕容冲叛秦起兵平陽。稱帝。是為西燕。攻長安。秦主苻堅出奔。後秦主萇執而弒之。○晉太保謝安卒。安文雅。過王導。有德量。方秦寇至。朝野震動。安夷然圍碁。賭墅。捷書至。安方與客碁。覽畢。寘坐側。無喜色。碁罷。客問之。徐曰。小兒輩已遂破賊。客去。安入戶。喜甚。不覺屐齒折。其矯情鎮物如此。○秦主苻堅之子丕稱帝于晉陽。○拓跋珪復立為代王。先是劉庫仁為其下所殺。弟頭眷代領其衆。庫仁之子顯殺頭。眷而自立。又欲殺珪。珪奔賀蘭部。依其舅。諸部大人推珪為王。遂即王位。

徙居盛樂。後改稱魏。○燕王垂稱帝于中山。○

西燕人弒其主冲。立段隨。又殺隨。立慕容忠。又殺忠。

立慕容永。永擊秦主苻丕。丕敗南走。為晉將軍。邀擊

殺之。慕容永稱帝於長子。○秦疏族苻登稱帝於

南安。○後秦姚萇先是已入長安。稱帝。苻登引兵

數與後秦戰。互有勝負。○後秦主姚萇卒。子興立。

擊登殺之。○燕主垂擊西燕。拔長子。殺西燕主永

○燕主垂卒。子寶立。○自苻堅之敗。中原大亂。

其大者慕容氏。姚氏。迭舉大號。其乘時而起。如秦故

臣呂光。據涼州。稱涼天王。鮮卑乞伏國仁。據隴右。稱

西秦王。國仁卒。弟乾歸繼之。後又有鮮卑。秃髮烏孤

起河西。號南涼。○晉自敗秦以後。江左無事。會稽

王道子為政。帝嗜酒流連而已。長星見。帝舉酒向之

曰。長星勸汝一杯酒。世豈有萬年天子邪。○張貴

人年三十。寵冠後宮。醉中戲之曰。汝以年亦當廢矣。

貴人使婢蒙其面而弒之。在位十五年。改元者二。曰

寧康。太元。太子立。是為安皇帝。

安皇帝名德宗。幼不慧。口不能言。寒暑飢飽不辨。飲

食寢興皆非己出。既即位。會稽王以太傅輔政。○

魏王拓跋珪。連歲攻燕。進圍中山。燕主慕容寶出奔。

後為其下所弒。○燕慕容祥稱帝。慕容麟襲殺祥。

而自立。魏王珪破麟走之。麟奔慕容德。為德所殺。德往

據廣固。後稱帝。是為南燕。○燕慕容盛稱帝於龍

城。是為北燕。○魏王珪稱帝都平城。○涼段業

稱涼王。據張掖。是為北涼。○晉會稽王道子專以

政事委世子元顯。晉政亂。東土囂然。妖賊孫恩因民

心騷動。自海嶋出作亂。劉裕因討恩有功而起。○

北涼沮渠蒙遜弒段業而自立。蒙遜匈奴之種也。後

遷姑臧。○涼王呂光卒。子紹立。庶兄纂弒而代之。

呂超又弒纂而立。其兄隆。隆後降秦而涼亡。○隴

西李暠據燉煌。是為西涼。後徙酒泉。○柔然起於

漠北。奪高車之地而居之。吞併諸部。士馬繁盛。雄於

北方。其地西至焉耆。東接朝鮮。南臨大漠。旁小國皆

羈屬。與魏為敵。○晉盜孫恩數為劉裕等所敗。赴

海死。其黨盧循徐道覆復起。○晉桓玄反。初玄嗣

父温為南郡公。負其才地。以雄豪自處。嘗守義興。歎

曰。父為九州伯。兒為五湖長。棄官歸國。後為江州刺

史。尋都督荆江等八州軍事。據江陵。至是舉兵入建

康。殺元顯。又殺道子。玄為相國。封楚王。加九錫。已而

迫帝禪位。劉裕起兵於京口。討玄。與玄兵戰。大破之。

玄出走。斬首於江陵。帝復位。劉裕鎮京口。○秦赫連勃勃叛秦。據朔方。自稱大夏天王。勃勃故匈奴劉衛辰之子也。○晉伐南燕。先是南燕主慕容德卒。兄子超立。侵略晉邊。劉裕抗表伐之。○北燕為其臣馮跋所滅。先是北燕主盛為其下所弒。叔父熙立。跋得罪於熙。弒之而立熙之養子高雲。未幾又弒雲而自立。○魏主殺人之夫而納其妻。與之生子紹。克狠無賴。弒珪。齊王嗣殺紹而立珪。謚道武皇帝。廟號烈祖。○晉劉裕拔廣固。執慕容超。送建康。斬之。南燕亡。○盧循乘劉裕北伐。出自番禺。直下襲建康。劉裕被徵。急還。諸軍力戰。循乃退。裕追破之。循走交州。為刺史所敗。斬首送建康。○西秦乞伏韓歸為其下所弒。子熾盤立。○西秦襲滅南涼。先是南涼主禿髮烏孤卒。弟利鹿孤立。卒。弟傉檀立。至是為乞伏熾盤所襲。以傉檀歸殺之。南涼亡。○後秦主姚興卒。子泓立。晉大尉劉裕伐之。發彭城。由洛陽道武關。潼關入長安。泓敗。出降。送建康。斬之。後秦亡。○夏主勃勃聞裕伐秦。曰。裕必取關中。然不能久留。若以子弟諸將守之。吾取之如拾芥耳。至是三秦父老聞裕將還。詣門流涕曰。殘民不霑王化於今百年。

必用一八東西諸本
卷之三
三十五
正統堂藏板

始觀衣冠人人相賀公捨此欲何之乎裕還彭城勃
勃陷長安稱帝歸統萬 ○晉以裕為相國宋公加
九錫裕以讖云昌明之後尚有二帝乃使人縊晉帝
弒之帝在位二十三年改元者二曰隆安義熙義熙
元年至十四年則劉裕為政之日也弟瑯琊王立是
為恭皇帝

恭皇帝名德文即位之明年劉裕進爵為宋王自彭
城移鎮壽陽又明年裕還建康帝在位改元者一曰
元熙禪位于裕已而被弒東晉自元皇帝至是凡十
一世一百四年西晉東晉通一百五十六年而亡

南北朝

南朝自晉以傳之宋宋傳之齊齊傳之梁梁傳之陳
北朝自諸國併於魏魏後分為西魏東魏東魏
傳北齊西魏傳後周後周併北齊而傳之隋隋
滅陳然後南北混為一今以南為提頭而附北
於其間

宋

宋高祖武皇帝姓劉氏名裕彭城人也相傳為漢楚
元王交之後裕生而母死父僑居京口將棄之從母
救而乳之及長勇健有大志僅識字小字寄奴嘗行

小學十八史略續本 卷之三 三十五 正統堂藏板

遇大虵擊傷之後至其所見有群兒搏藥裕問何為
 答曰吾王為劉寄奴所傷裕曰何不殺之兒曰寄奴
 王者不死裕叱之即散不見初參劉牢之軍事嘗遣
 覘賊遇賊數千人裕奮長刀獨驅之衆軍因乘勢進
 擊大破之裕由是知名其後為將相二十餘年誅桓
 玄平孫恩盧循滅南燕後秦卒受晉禪 ○西涼李
 暠卒謚曰武昭王子歆立數年至是為北涼沮渠蒙
 遜誘與戰殺之西涼亡 ○宋主在位三年改元者
 一曰永初殂太子立是為廢帝滎陽王
 廢帝滎陽王名義符年十七即位居喪無禮遊戲無

度 ○魏主嗣殂謚明元皇帝廟號太宗子壽立
 ○宋主在位三年改元者一曰景平徐羨之傅亮謝
 晦廢而弒之宜都王立是為太宗文皇帝
 文皇帝名義隆素有令望少帝廢迎入即位 ○夏
 主勃勃殂子昌立 ○晉徵士陶潛卒潛字淵明潯
 陽人侃之曾孫也少有高趣嘗為彭澤令八十日郡
 督郵至吏曰應束帶見之潛歎曰我豈能為五斗米
 折腰向鄉里小兒即日解印綬去賦歸去來辭著五
 柳先生傳徵不就自以先世為晉臣自宋高祖王業
 漸隆不復肯仕至是終世號靖節先生 ○魏數與

必用... 卷之三

夏戰至是執其主昌以歸 ○夏赫連定稱帝於平

涼 ○西秦主乞伏熾盤卒子暮木立 ○北燕馮

跋廼弟弘立 ○夏主定擊西秦以暮木歸殺之西

秦亡定又擊北涼欲奪其地吐谷渾襲其軍執定送

魏夏亡吐谷渾者慕容氏之別種也 ○北涼沮渠

蒙遜卒子牧犍立 ○宋謝靈運以罪誅靈運好為

山澤之遊從者數百人伐木開徑百姓驚擾或表其

有異志為臨川內史有司糾之被收靈運與兵逃逸

作詩曰韓亡子房奮秦帝魯連恥追討擒之徙廣州

已而棄市 ○魏伐燕馮弘奔高麗而被殺燕亡

○魏伐涼姑臧潰牧犍降後被殺北涼亡 ○魏殺

其司徒崔浩浩自明元時已為謀臣輒有功信道士

寇謙之勸魏主崇奉立天師道場而最惡佛法誅沙

門毀佛像佛書魏主命浩修國史書先世事皆詳實

刊石立之衢路北人忿恚譖浩暴揚國惡魏帝大怒

遂案誅之夷其族 ○宋魏連年互相侵伐王玄謨

勸宋大舉沉慶之諫曰畊當問奴織當問婢今欲伐

國奈何與白面書生謀之宋竟遣玄謨出師取碣磧

進圍滑臺先是魏主聞宋取河南怒曰我生髮未燥

已聞河南是我地今天時尚熱姑斂戍北歸俟河水

正德堂藏版

合以鐵騎蹂之。至冬，魏主自將渡河，衆號百萬，鞞鼓之聲震天地。玄謨懼走，魏人追擊，玄謨敗走。魏帝引兵南下，直至瓜步，聲言欲渡江。建康震懼，民皆荷擔而立。宋主登石頭城北望，歎曰：「檀道濟若在，豈使胡馬至此道濟立功前朝老於用兵，先是以讒被收，目光如炬，脫憤投地曰：『乃壞汝萬里長城，既誅魏人，聞之喜曰：『吳子輩不足復憚。』至是長驅無能禦者，宋人或欲斬玄謨，沈慶之止之曰：『佛狸威震天下，控弦百萬，豈玄謨所能當？』殺戰將以自弱，非計也。魏師還，殺掠不可勝計，丁壯者斬截，嬰兒貫槊，上盤舞，所過赤

地春燕歸巢於林木，自宋主即位二十八年間，號為小康。至是兵革之後，邑里蕭條，元嘉之政衰矣。○魏中常侍宗愛譖東宮官屬多坐誅死，太子晃以憂卒，魏主追悼不已，愛懼弒主，後謚曰太武皇帝，廟號世祖。晃之子濬立，討愛誅之。○宋太子劬，巫蠱呪詛，事覺，宋主擬廢之，劬弒主而自立，主在位三十年。改元者一曰元嘉，武陵王舉兵誅劬，王立，是為世祖。孝武皇帝。

孝武皇帝名駿，即位二十二年，殂，改元者二曰孝建，曰大明。太子立，是為廢帝。

必用十八史明言

卷之三

三

正統

廢帝名子業。即位居喪。傲惰無戚容。孝武疎忌骨肉。多誅殺。至是尤甚。○魏帝濬殂。諡曰文成皇帝。廟號高宗。初太武經營四方。國頗虛耗。文成嗣以鎮靜懷集中外。人心復安。子弘立。○宋主畏忌諸父。湘東王等幽於殿內。捶曳無復人理。恣為不道。中外騷然。宋人弑之。在位二年。改元者一。曰景和。湘東王立。是為太宗明皇帝。

明皇帝名彧。即位八年殂。改元者一。曰泰始。自帝之初。蕭道成將兵征討有功。尋鎮淮陰。收養豪俊。賓客始盛。已而為南兗州刺史。至是褚淵薦為右衛將軍。

與顧命大臣共掌機事。太子立。是為後廢帝。

後廢帝名昱。明帝無子。昱實嬖人李道兒之子也。明

帝子之。殺諸王十五六人。惟恐昱之不立。十歲即位。

桂陽王休範舉兵反。攻建康。蕭道成擊斬之。道成為

中領軍。○先是魏獻文帝弘傳位於太子宏。自稱

太上皇帝。以宏幼。仍總萬機。太上聰睿夙成。剛毅有

斷。而好黃老浮屠之學。故常有遺世之意。其母馮太

后有所幸。李奕為太上所誅。馮太后怒。遂弑之。而稱

制。宋主驕恣嗜殺。中外憂惶。蕭道成與袁粲褚淵謀

廢立。粲不可。淵贊之。遂弑之。在位六年。改元者一。曰

元徽安成王立。是為順皇帝。

順皇帝名準。桂陽王休範子也。明帝子之。至是即位。

○宋袁粲謀誅蕭道成。褚淵以其謀告道成。粲父子俱被殺於石頭城。百姓哀之。曰。可憐石頭城。寧為袁粲死。不作褚淵生。沉攸之亦舉兵江陵。討道成。軍潰。走而縊死。道成為相國齊公。加九錫。已而進爵為王。宋主在位三年。改元者一。曰昇明。禪于齊。泣而彈指。曰。願後身世世勿復生天王家。齊弒之而滅其族。自宋高祖至是八世。凡五十九年而亡。

齊

齊太祖高皇帝。姓蕭氏。名道成。蘭陵人也。相傳為漢相國何之後。深沈有大量。博學能文。肩有赤誌。如日月狀。宋時在軍中久。民間或言其有異相。宋疑之而不能殺也。竟代宋。性清儉。每曰。使我治天下。十年當使黃金同土價。在位四年。殂。改元者一。曰建元。太子立。是為世祖武皇帝。

武皇帝名曠。即位十一年。殂。改元者一。曰永明。太子長懋已卒。太孫立。是為廢帝鬱林王。

廢帝鬱林王名昭業。即位一年。改元。曰隆昌。西昌侯鸞弒之。新安王立。是為廢帝海陵王。

廢帝海陵王名昭文。為鸞所立。改元延興。鸞自為宣城王。帝即位未四月。廢而弒之。宣城王自立。是為高宗明皇帝。

明皇帝名鸞。高帝之兄子也。高帝愛之過於己子。而武帝之太子長懋最惡之。及得志。殺高武子孫無遺類。即位五年。殂。改元者二。曰建武。永泰。太子立。是為廢帝東昏侯。

廢帝東昏侯名寶卷。自在東宮。不好學。嬉戲無度。既即位。不接朝士。惟親信嬖倖。屢誅大臣。○魏主宏殂。在位二十七年。仁孝恭儉。制禮作樂。蔚然有太平

之風。禁胡服胡語。改姓元氏。遷都洛陽。為魏盛德之主。謚曰孝文皇帝。廟號高祖。太子恪立。○齊主昏淫狂恣。所幸潘妃以金為蓮花帖。地上使步之。曰。此步步生蓮花也。左右用事。賊虐日甚。太尉陳顯達先舉兵襲建康。敗死。將軍崔慧景受命出討。叛州還兵。逼建康。時南豫州刺史蕭懿將兵在近。齊主急召入。援慧景。敗死。以懿為尚書。懿弟南雍州刺史衍。使人勸懿行伊霍故事。不爾。亟還。歷陽。懿不能用。竟賜死。衍起兵襄陽。引而東。圍建康。齊人弒主而迎衍。主在位三年。改元者一。曰永元。時南康王先已自立。是為

和皇帝。

和皇帝名寶融。東昏末，寶融起兵於江陵，已而稱帝。

改元曰中興。未及東歸，齊太后稱制，以蕭衍為相國。

封梁公，加九錫，尋進爵為王。齊主至姑孰，詔禪于梁。

即位僅一年，被弒。齊自高帝至是七世，凡二十三年。

而亡。

梁

梁高祖武皇帝，姓蕭氏，名衍，齊之疎族也。母張氏見

菖蒲生花，旁人皆不見，吞之已而生。衍英達有文學。

東昏初，衍鎮襄陽，知齊將亂，乃密修武備，聚驍勇，以

萬數，伐材沈檀，溪積，非如岡阜，兄懿死，衍建牙，集衆

出檀溪，竹木裝艦，葺之以茆，事皆立辨。兵起，一年餘

遂入建康，受禪，即帝位。○魏主恪殂，謚曰宣武皇

帝，廟號世宗。子詡立，甫六歲，母胡氏稱制。及魏主既

長，好遊騁，不親視朝，而胡后方淫亂。魏政始亂，將軍

張彝之子仲瑀上封事，排抑武人，喧謗盈路，立榜大

巷，剋期會集，屠其家。彝父子不以為意。至是，羽林虎

賁近千人相率至尚書省，詬罵以瓦石，擊省門。上下

懾懼，不敢禁討。遂至彝第，焚其舍，曳彝父子，毆擊投

火中。仲瑀重傷，走免。彝死，遠近震駭。胡后收其凶強

八人斬之餘不復治大赦以安之懷朔鎮函使高歡
至洛陽見張彝之死還家傾貲以結客或問其故歡
曰宿衛相率焚大臣之第朝廷懼而不問為政如此
事可知矣財物豈可常守邪歡自先世坐法徙北邊
遂習鮮卑之俗沉深有太志與侯景等相友善以任
俠雄鄉里 ○魏胡太后臨朝以來嬖倖用事政事
縱弛盜賊蠭起封疆日蹙魏主詔寢長太后自知所
為不謹務為壅蔽母子嫌隙日深時六州大都督秀
容酋長尔朱榮兵強高歡見榮即勸舉兵清帝側會
魏主殂胡太后鳩之也後謚曰孝明皇帝尔朱榮舉

兵立孝文之姪長樂王子攸沈胡后于河封榮太原
主還晉陽北海王顥奔梁梁立之遣將送入洛陽子
攸出奔尔朱榮渡河來救顥走死子攸歸加榮天柱
大將軍榮蓄不臣之志魏主陰謀誅榮榮入手刺之
尔朱世隆與尔朱兆立宗室長廣王曄入洛陽子攸
遇弒後謚曰孝莊皇帝世隆又以曄疎遠廢之立孝
文之姪廣陵王恭高歡起兵誅尔朱氏入洛陽廢恭
而立孝文之孫平陽王脩脩弒恭後謚曰節閔皇帝
高歡為太丞相建府於晉陽居之魏主畏歡謀伐晉
陽歡擁兵來魏主奔長安依關西大都督宇文泰以

秦為大丞相。歡追魏主不及。遂立清河王。世子善見於洛陽。遷于鄴。魏自道武至是十二世。一百四十九年。而分為東魏西魏。○先是熒惑入南斗。梁主曰。熒惑入南斗。天子下殿走。乃跣下殿。讓之。及聞脩出奔。慙曰。虜亦應天象邪。脩至長安。踰半年。又與秦有隙。秦鳩之後。謚曰孝武皇帝。孝武既遇弒。秦立南陽主寶炬。歡與秦連年相攻戰。互有勝負。歡卒。遺言囑其子澄曰。侯景有飛揚跋扈之志。非汝所能御。堪敵景者。惟慕容紹宗。景果以河南降西魏。未幾復附于梁。梁封景為河南王。景使至梁。梁群臣皆不欲納。梁主

亦自謂我國家如金甌。無一傷缺。恐納景因以生事。惟朱异力勸納之。東魏遣慕容紹宗擊景。景敗南走。襲梁壽春。據之。請命。梁就以為南豫州牧。既而東魏求成於梁。意欲得景。景恨梁通東魏。遂反於壽陽。引兵南渡。圍建康。梁主自即位以來。江左久無事。惟崇佛法。屢捨身佛寺。上下化之。及景逼臺城。援兵至者。為景所敗。梁主遣人與景盟。以為大丞相。臺城受圍。五月。而陷。景入見。引就三公位。梁主神色不變。謂景曰。卿在軍中久。母乃為勞。景不敢仰視。流汗不能對。景退。謂人曰。吾常跨鞍對陣。矢石交下。了無怖心。今

見蕭公使人自憫豈非天威難犯吾不可以復見此人梁主為景所制飲膳亦被裁損憂憤成疾口苦索蜜不得再曰荷荷遂殂在位四十八年改元者七曰天監普通大通中大通大同太清壽八十六先是太子統仁明孝儉好學有文在東宮三十年而終梁主舍嫡孫而立別子至是即位是為太宗簡文皇帝

簡文皇帝名綱在東宮十八年而後遇侯景之亂既立受制於景而已湘東王繹鎮江陵自稱假黃鉞大都督中外諸軍承制岳陽王詵昭明太子統之第三

子也鎮襄陽與繹相攻詵遣使降于西魏以求援

○東魏大將軍渤海王澄先是為其下所殺弟洋為丞相封齊王逼東魏主禪位尋弒之謚曰孝靜皇帝東魏建國一十七年而亡 ○西魏立梁蕭詵為梁

王 ○西魏主寶炬殂謚曰文皇帝太子欽立 ○

侯景自立為漢王廢梁主弒之尸位不及三年改元者一曰大寶景立豫章王棟已而篡位先是始興太守陳霸先起兵討景湘東王遣王僧辯討景景篡數月而為僧辯霸先所敗亡走吳欲入海為其下所斬送尸建康傳首江陵截其手足送於北齊湘東王立

是為元皇帝。

元皇帝名繹。一目眇。性殘忍。即位于江陵。自侯景之

亂。州郡大半入西魏。蜀亦為魏。有梁自巴陵以下至

建康。以長江為限。○突厥攻柔然。北齊擊突厥。遷

柔然。是時柔然衰。突厥始強大。○西魏宇文泰廢

其主欽而立其弟廓欽。遇弒。○西魏遣柱國于謹

伐梁入江陵。梁主焚古今圖書十四萬卷。歎曰。文武

之道。今夜盡矣。乃出降。或問何意。焚書曰。讀書萬卷

猶有今日。尋被殺。在位三年。改元者一。曰承聖。○

西魏取襄陽。徙梁王譽于江陵。使稱帝。比兵守之。是

為後梁。臣于西魏。王僧辯陳霸先奉晉安王。稱制于

建康。貞陽侯淵明先是為北齊所獲。至是以兵納之。

王僧辯奉歸建康。稱帝。陳霸先殺僧辯。廢淵明立晉

安王。是為敬皇帝。

敬皇帝名方智。元帝子也。年十三即位。陳霸先為丞

相。○西魏太師太冢宰安定公宇文泰卒。世子覺

嗣。年十五。宇文護輔之。未幾以覺為周公。○西魏

主廓禪于周。廓遇弒。後謚曰恭皇帝。西魏建國四世

二十四年而亡。覺稱周天王。性剛果。惡護之專。護弒

之。後謚曰孝閔皇帝。立泰之長子毓。○梁丞相陳

霸先為相國封陳公加九錫尋進爵為王梁主改元者二曰紹泰曰太平尸位未三年而禪于陳尋遇弒梁自高祖武帝至是四世凡五十六年而亡

陳

陳高祖武皇帝姓陳名霸先吳興人也梁武帝大同中為廣州參軍廣有亂討平之以功為將軍尋為交州司馬西江都護高要太守督七郡諸軍屢平寇亂侯景陷臺城霸先時守始興結郡中豪傑起兵討景先取江州為州刺史引兵會諸軍卒以平景遂為將相於梁以至受禪即位三年殂改元者一曰永定子

二人昌瑛皆以江陵陷時没入長安臨川王立是為世祖文皇帝

文皇帝名禧武帝之兄子也在武帝平梁亂時已有

功至是即位 ○周王毓稱帝 ○北齊主洋盡滅

元氏之族洋殂謚曰文宣皇帝 ○周宇文護憚周

帝明敏有識量進妻弒之謚曰明皇帝毓弟邕立

○北齊文宣帝之母弟常山王演廢其主殷而自立

尋弒殷演立一年而殂謚曰孝昭皇帝母弟長廣王

湛又廢演子百年而自立後殺百年 ○後梁主詒

殂太子歸立 ○北齊主湛傳位於太子緯自稱太

上皇帝。○陳主起自艱難。知民疾苦。性明察儉勤。在位八年。殂。改元者二。曰天嘉。曰天康。太子立。是為廢帝。臨海王。

廢帝。臨海王。名伯宗。在位三年。改元者一。曰光大。為安成王。頊所廢。○北齊。上皇湛。殂。謚曰武成皇帝。

○陳安成王自立。是為高宗。宣皇帝。

宣皇帝。名頊。初。陷入長安。文帝時。周人送頊。還陳。至是即位。○周主邕。誅宇文護。始親政。○北齊後

主緯。多嬖寵。政亂。周伐齊。入鄴。執緯。歸殺之。夷其族。北齊建國五世。三十年而亡。○周主邕。深沈。有遠

識。政事嚴明。稱為賢主。滅齊。一年而殂。壽三十六。謚

曰武皇帝。太子贊立。立皇后楊氏。后父隋公楊堅。用

事。為上柱國。大司馬。贊自為太子時。好昵近小人。立

未一年。傳位於子闡。自稱天元皇帝。驕侈彌甚。未一

年而殂。謚曰宣皇帝。楊堅自為太丞相。進相國。隋主

加九錫。未幾。周主闡禪位於隋。尋被弒。隋主盡滅宇文

文氏之族。周自稱帝。至是五世。二十五年而亡。○

陳主在位十四年。改元者一。曰大建。殂。太子立。是為

後主。長城公煬公。

後主。長城煬公。名叔寶。自為太子。與詹事江總。為長

後主。長城煬公。名叔寶。自為太子。與詹事江總。為長

夜之飲。即位未幾。起臨春結綺望仙閣。各高數十丈。連延數十間。皆以沉檀為之。金玉珠翠為之飾。珠簾寶帳。服玩瑰麗。近古未有。其下積石為山。引水為池。雜植花卉。陳主居臨春閣。貴妃張麗華居結綺。龔孔二貴嬪居望仙。復道往來江摠。為宰輔不親政事。日與孔範等文士侍宴後庭。謂之狎客。使諸貴嬪與客唱和。其曲有玉樹後庭花等。君臣酣歌。自夕達旦。宦官近習。內外連結。宗戚縱橫。貨賂公行。孔範與貴嬪結為兄弟。範自謂文武才能。舉朝莫及。將帥微有過失。即奪兵權。由是文武解體。以至覆滅。○後梁主

7
歸歿。太子琮立。隋主廢而滅之。自詔稱帝於江陵。臣於西魏。周隋所統數郡而已。凡三十三年而亡。○隋以晉王廣為元帥。帥師伐陳。揚素韓擒虎賀若弼分道而出。高頴為元帥。長史問薛道衡。江東可克乎。對曰。克之。郭璞言。江東分王三百年。與中國合。此數將周陳主。聞有隋兵。謂近臣曰。王氣在此。彼何為者。孔範曰。長江天塹。豈能飛渡。臣每患官卑。虜若渡江。定作大尉公矣。陳主以為然。奏伎縱酒。賦詩不輟。賀若弼自廣漢濟江。韓擒虎自橫江。宵濟采石。守者皆醉。擒虎遂自新林進。直入朱雀門。陳主自投景陽井。

中軍人窺井將下石乃叫以繩引之與張麗華孔貴
嬪同東而上得歸後主在位七年改元者二曰至
德曰禎明陳自高祖武帝至是五世凡二十二年而
亡。

隋

隋高祖文皇帝姓楊氏名堅弘農人也相傳為東漢
太尉震之後父忠仕魏及周以功封隋公堅襲爵堅
生而有異宅旁有尼寺一尼抱歸自鞠之一日尼出
付其母自抱角出鱗起母大驚墜之地尼心動亟還
見之曰驚我兒致令晚得天下及長相表奇異周人

嘗告武帝普不茹堅有反相堅聞之深自晦匿女為
周宣帝后周靜帝立堅以太后父秉政遂移周祚即
位九年平陳天下為一開皇二十年廢太子勇為庶
人初帝使勇參決政事時有損益勇性寬厚率意無
矯飾帝性節儉勇服用侈恩寵始衰勇多內寵妃無
寵死而多庶子獨孤皇后深惡之晉王廣彌自矯飾
為奪嫡計后贊帝廢勇而立廣為太子 ○龍門王
通詣闕獻太平十二策帝不能用罷歸教授於河汾
之間弟子自遠至者甚衆 ○仁壽四年帝不豫召
太子入居殿中太子預擬帝不諱後事為書問僕射

楊素得報官人誤送帝所。帝覽之大恚。帝所寵陳夫人出更衣。為太子所逼。拒之得免。帝怪其神色有異。問故。夫人泣然曰。太子無禮。帝恚。抵床曰。畜生何足付。太事。獨孤誤我。將召故太子勇。廣聞之。令右庶子張衡入侍疾。因弑帝。遣人縊殺勇。帝性嚴重。勤於政事。令行禁止。雖賚於財。賞功不吝。愛養百姓。勸課農桑。輕徭薄賦。自奉儉薄。天下化之。受禪之初。民戶不滿四百萬。末年踰八百萬。然自以詐力得天下。猜忌苛察。信受讒言。功臣故舊。無終始保全者。在位二十四年。改元者二。曰開皇。仁壽。太子立。是為煬皇帝。

煬皇帝名廣。開皇未立。為太子。是日天下地震。即位。首營洛陽顯仁宮。發江嶺奇材異石。又求海內嘉木異草。珍禽奇獸。以實苑囿。又開通濟渠。自長安西苑引穀洛水。達于河。引河入汴。引汴入泗。以達于淮。又發民開邗溝。入江。旁築御道。樹以柳。自長安至江都。置離宮四十餘所。遣人往江南造龍舟及雜舩數萬艘。以備遊幸之用。西苑周二百里。其內為海。周十餘里。為蓬萊方丈瀛州諸山。高百餘尺。臺觀宮殿羅絡山上。海北有渠。縈紆注海。緣渠作十六院。門皆臨渠。窮極華麗。宮樹凋落。剪綵為花葉。綴之沼內。亦剪綵。

為荷芰菱芡。色渝則易新者好。以月夜從宮女數千騎遊西苑。作清夜遊曲。馬上奏之。○後又開永濟渠。引沁水南達于河北。通涿郡。又營汾陽宮。又穿江南河。自京口至餘杭八百里。○置洛口倉於鞏東南原上。城周二十餘里。穿三千窖。置興洛倉於洛陽北。城周十里。穿三百窖。窖皆容八千石。帝或如洛陽。或如江都。或北巡至榆林金河。或如五原。巡長城。或巡河右。營造巡遊無虛歲。徵天下鷹師。至者萬餘人。徵天下散樂。諸蕃來朝。陳百戲於端門。執絲竹者萬八千人。終月而罷。費巨萬歲。以為常。○徵高麗王

入朝不至。大業七年。帝自將擊高麗。徵天下兵。會涿郡。敕河南淮南江南造戎車五萬乘。供載衣甲等。發河南河北民夫供軍。須江淮以南。民夫舩運黎陽及洛口。諸倉米舩。舩千里。往還常數十萬人。晝夜不絕。死者相枕。天下騷動。百姓窮困。始相聚為盜。○漳南竇建德兵起。○帝所徵四方兵皆集涿郡。一百一十三萬。餽運者倍之。首尾亘千餘里。帝至遼東。攻城不克。諸軍大敗而還。明年再徵兵。自將擊之。○楚公楊玄感見朝政日紊。潛謀作亂。至是督運黎陽。遂反。帝引軍還。遣將擊之。玄感自洛陽引兵趨潼關。

兵敗走死。帝又如涿郡。伐高麗。高麗遣使請降。帝還長安。己而如洛陽。如汾陽。如江都。巡遊仍無虛歲。

○蒲山公李密。兵起。密少有才略。志氣雄遠。輕財好士。嘗乘黃牛。以漢書掛牛角。讀之。楚公楊素遇而奇之。由是與素子玄感游。初從玄感起兵。玄感敗。密變。

姓名亡匿。時人皆云楊氏將滅李氏。將興又有民謠。歌曰。桃李子。皇后走。楊州宛轉。花園裏。勿浪語。誰道。

許。謂桃李子者。逃亡李氏子也。莫浪語。誰道許者。密也。密遂與群盜翟讓等起。攻滎陽。下之。建牙統所部。

西行。說下諸城。大獲。○鄴陽賊帥林士弘。稱楚帝。

據江南。○杜伏威據歷陽。○竇建德稱長樂王。

○馬邑校尉劉武周。朔方郎將梁師都。各據郡起兵。○李密據興洛倉。略取河南諸郡。稱魏公。○

突厥立劉武周為定陽可汗。取樓煩。定襄。雁門諸郡。○梁師都取雕陰。弘化。延安等郡。自稱梁帝。○

金城校尉薛舉起兵隴西。自稱西秦霸王。○武威司馬李軌起兵河西。自稱涼王。○薛舉自稱秦帝。

徙據天水。○蕭銑起兵巴陵。自稱梁王。○唐公李淵起兵太原。克諸郡。入長安。時隋大業十二年。帝

在江都。淵遙尊為太上皇。而立代王。是為恭皇帝。

恭皇帝名侑。煬帝之孫也。年十三為李淵所立。改太業十三年為義寧。淵為大丞相封唐王。煬帝在江都。淫虐日甚。酒卮不離口。見中原已亂。無心北歸。從駕多關中人。思歸。遂謀叛。以許公宇文化及為主。夜引兵入宮。縊殺煬帝。宗室無少長皆死。惟存秦王浩。立之。而自為大丞相。擁眾而西。○梁蕭銑稱帝於江陵。○隋帝侑即位半年禪于唐。隋自高祖至是三世。凡三十七年而亡。

唐

唐高祖神堯皇帝。姓李氏。名淵。隴西成紀人也。西涼

武昭王暠之後。祖虎仕西魏有功。封隴西公。父昞於周世封唐公。淵襲爵。隋煬帝以淵為弘化留守。御眾寬簡。人多附之。煬帝以淵相表奇異。名應圖讖忌之。淵懼。縱酒納賂。以自晦。天下盜起。以淵為山西河東撫慰大使。承制黜陟。討捕群盜多捷。突厥寇邊。詔淵擊之。淵次子世民聰明勇決。識量過人。見隋室方亂。陰有安天下之志。與晉陽宮監裴寂。晉陽令劉文靜相結。文靜謂世民曰。今主上南巡。群盜萬數。當此之際。有真主驅駕而用之。取天下如反掌耳。太原百姓收拾可得十萬人。尊公所將兵復數萬。以此乘虛入

關號令天下。不過半年，帝業成矣。世民笑曰：君言正合我意。乃陰部署，而淵不知也。會淵兵拒突厥，不利。恐獲罪，世民乘間說淵順民心，興義兵，轉禍為福。淵大驚曰：汝安得為此言？吾今執汝告縣官。世民徐曰：世民觀天時，人事如此，故敢發言。必執告，不敢辭。死。淵曰：吾豈忍告汝？慎勿出口。明日復說曰：人皆傳李氏當應圖讖，故李金才無故族滅。大人能盡賊，則功高，不賞，身益危矣。惟昨日之言，可以救禍。此萬全策。願勿疑。淵歎曰：吾一夕思汝言，亦大有理。今日破家亡身，亦由汝化家為國，亦由汝矣。先是，裴寂私以晉

陽宮人侍淵，淵從寂飲酒，酣寂曰：二郎陰養士馬，欲舉大事，正為寂以宮人侍公，恐事覺，併誅耳。會煬帝以淵不能禦寇，遣使者執詣江都。世民與寂等復說曰：事已迫矣，宜早定計。且晉陽士馬精強，宮監蓄積巨萬，代王幼冲，關中豪傑並起，公若鼓行而西，撫而有之，如探囊中物耳。淵乃召募起兵，遠近赴集，仍遣使借兵於突厥。世民引兵擊西河，拔之，斬郡丞高德。儒數之曰：汝指野鳥為鸞，以欺人主，吾興義兵，正為誅佞人耳。進兵取霍邑，克臨汾，絳郡下，韓城降，馮翊、淵留兵圍河東，自引兵西，遣世子建成守潼關。世民

徇渭北關中群盜悉降於淵合諸軍圍長安克之立

恭帝淵為大丞相唐王加九錫尋受禪立子建成為

皇太子世民為秦王元吉為齊王○隋東都留守

越王侗煬帝之孫也亦為眾所立稱帝於洛陽○

秦主薛舉卒子仁果立○魏公李密與隋兵戰大

敗降於唐○字文化及弒其所立主浩自稱許帝

○涼王李軌稱帝○唐秦王世民破秦秦主薛

仁果降送長安斬於市○李密之將徐世勣據密

舊境降唐賜姓李○竇建德取河北諸州自稱夏王

○李密叛唐唐人獲而斬之○夏主竇建德破

字文化及誅之○隋主侗立一年王世充廢之而

自立為鄭帝尋弒侗○唐遣將襲涼主李軌執歸

殺之河西平○沈法興稱梁主於毗陵○李子

通稱吳帝於江都○杜伏威降唐○唐秦王世

民擊定陽將宋金剛破之定陽可汗劉武周及金剛

皆走死○唐秦王世民督諸軍伐鄭○吳主李

子通襲梁梁主沈法興走死○夏主竇建德救鄭

唐秦王世民大破擒之鄭主王世充降世民至長安

被黃金甲二十五將從其後鐵騎萬匹甲士三萬獻

俘太廟斬建德於市赦世充尋使人潛殺之○竇

小學十八中各讀本 卷之六十五 王世充傳

建德故將劉黑闥始起兵於漳南。

○唐遣將李靖

伐梁梁主蕭銑降送長安斬之。

○杜伏威擊吳主

李子通執送長安伏誅。

○劉黑闥自稱漢東王。

○楚主林士弘卒其眾遂散。

○漢東將執黑闥降

唐斬之。

○唐淮南道行臺僕射輔公祏反於丹陽

唐將擊斬之。

○慶州都督楊文幹反遣秦王世民

討平之。

○突厥入寇遣秦王世民禦之遇於豳州

世民帥騎馳詣虜陣告之曰我秦王也虜不敢戰受

盟而退。

○唐興七年僭偽皆亡天下既定是歲初

置州縣鄉學帝親詣國子學釋奠于先聖先師始定

官制頒新律令定均田租庸調法丁中之民給田一

頃篤疾減十之六寡妻妾減七皆以十之二為世業

八為口分每丁歲入租粟二石調隨土地所宜綾絹

純布歲役二旬不役則收其傭日三尺有事而加役

者旬有五日免其調三旬租調俱免水旱蟲霜十損

四以上免租損六以上免調損七以上課役俱免民

貴業分九等百戶為里五里為鄉四家為鄰四鄰為

保在城邑者為坊田野者為村食祿之家無得與民

爭利工商雜類無預士伍男女始生為黃四歲為小

十六為中二十為丁六十為老歲造計帳三歲造戶

籍。○初唐之起晉陽皆世民之謀。帝欲以世民為儲嗣。世民固辭而止。太子建成喜酒色遊畋。齊王元吉多過失。而世民功名日盛。建成乃與元吉協謀。傾世民。曲意諂事諸妃嬪。世民獨不事之。由是左右皆譽建成元吉而短世民。○武德九年六月。太白經天。見秦分。建成元吉欲殺世民。秦府僚屬勸王行周公之事。力請乃決。於是密奏兄弟專欲殺臣。似為世充建德報讐。明日帥兵伏玄武門。建成元吉入。覺有變。欲還。世民追射。建成殺之。尉遲敬德射殺元吉。遂立世民為太子。軍國事悉委太子。處決然後聞奏。初

東宮官屬魏徵屢勸建成除世民。及是世民召徵責以離間兄弟。徵舉止自若。對不屈。世民禮之。王珪亦嘗為建成謀。皆以為諫議大夫。帝自稱為太上皇帝。詔傳位於太子。是為太宗文武皇帝。

太宗文武皇帝名世民。幼日有書生見之。曰龍鳳之姿。天日之表。其年幾冠。必能濟世安民。書生去。高祖使人追之。不見。乃探其語為名。年十八舉義兵。李密降唐。初見高祖。色尚傲。及見秦王。不敢仰視。退而歎曰。真英主也。高祖以秦王功高。特置天策上將位。在王公上。以秦王為之開府。置屬開館。以延文學之士。

杜如晦房玄齡虞世南褚亮姚志廉李玄道蔡允恭
 薛元敬顏相時蘇勗于志寧蘇世長薛叔李守素陸
 德明孔穎達蓋文達許敬宗為文學館學士分為三
 番更日直宿王暇日輒至館中討論文籍或至夜分
 使閭立本圖像褚亮為贊號十八學士士大夫得預
 其選者時人謂之登瀛洲時府僚多補外如晦亦出
 玄齡曰餘人不足惜如晦王佐才木王欲經營四方
 非如晦不可王即奏留之使參謀帷幄剖決如流玄
 齡每入奏事高祖曰玄齡為吾兒謀事雖隔千里如
 對面語秦王功蓋天下身幾危賴玄齡如晦決策至

是即位首放宮女三千餘人 ○突厥頡利突利二
 可汗合十餘萬騎入寇進至渭水便橋之北上自與
 房玄齡等六騎徑詣渭水上與頡利隔水語責以負
 約突厥大驚皆下馬羅拜俄而諸軍繼至旗甲蔽野
 頡利懼請盟而退 ○置弘文館聚四部二十餘萬
 選天下文學之士虞世南等以本官兼學士聽朝之
 隙引入內殿講論前言往行商榷政事或夜分乃罷
 取三品以上子孫充弘文館學士 ○有上書請去
 佞臣者曰願陽怒以試之執理不屈者直臣也畏威
 順旨者佞臣也上曰吾自為詐何以責臣下之直乎

小學
 十八史略
 卷之三
 三
 正海堂藏

朕方以至誠治天下。或請重法禁盜。上曰：當去奢省費，輕徭薄賦，選用廉吏，使民衣食有餘，自不為盜。安用重法？邪？自是數年之後，路不拾遺，商旅野宿。馬上嘗曰：君依於國，國依於民，刻民以奉君，猶割肉以充腹，腹飽而身斃，君富而國亡矣。又嘗謂侍臣曰：聞西域賈胡得美珠，剖身而藏之，有諸？曰：有之。曰：吏受賕，抵法與帝王狗彘欲而亡國者，何以異？此胡之可笑邪？魏徵曰：昔魯哀公謂孔子曰：人有好忘者，徙宅而忘其妻。孔子曰：又有甚者，桀紂乃忘其身，亦猶是也。

○張蘊古獻太寶箴有曰：以一人治天下，不以天

下奉一人。又曰：壯九重於內，所居不過容膝；彼昏不知，瑤其臺而瑯其室，羅八珍於前，所食不過適口。惟狂罔念，丘其糟而池其酒。又曰：勿沒沒而闇，勿察察而明。雖冕旒蔽目而視於無形，雖黈纊塞耳而聽於無聲。上嘉其言。

○分天下為十道，因山川形便。曰：關內、河南、河東、河北、山南、隴右、淮南、江南、劍南、嶺南。

○遣將討梁師都，其下殺之，以降以其地為夏州。

○太常祖孝孫奏唐雅樂。

○貞觀二年，又出宮女三千餘人。

○故事：軍國大事，中書舍人各執所見，雜署其名，謂之五花判事。中書侍郎、中書令省審。

之給事中黃門侍郎駁正之上謂王珪曰國家本置中書門下以相檢察卿曹勿雷同也時珪為侍中房玄齡杜如晦為僕射魏徵守秘書監參預朝政玄齡謀事必曰非如晦不能決及如晦至卒用玄齡策蓋玄齡善謀如晦善斷二人同心徇國故唐世稱賢相推房杜焉徵嘗告上曰願使臣為良臣勿使臣為忠臣上曰忠良異乎徵曰稷契皋陶君臣協心俱享尊榮所謂良臣龍逢比干面折廷爭身誅國亡所謂忠臣上悅 ○初突厥既強敕勒諸部分散有薛延陀回紇等十五部皆居磧北頡利政亂薛延陀回紇等

叛之加以民大飢羊馬多死奉使者還及邊帥皆言突厥可取之狀詔以李靖為定襄道行軍總管統諸軍討之靖襲破突厥於陰山頡利可汗遁走唐將擒之以獻時突利可汗先已入朝上處突厥降衆東自幽州西至靈州分突利地為四州分頡利地為六州左置定襄都督右置雲中都督以統其衆以突利為順州都督頡利為右衛大將軍 ○林邑遣使入貢 ○伊吾來降置伊西州 ○高昌王麴文泰入朝 ○先是四夷君長詣闕請帝為天可汗上曰我為大唐天子又下行可汗事乎群臣及四夷皆稱萬歲

自是後璽書賜西北君長皆稱天可汗

○貞觀四

年蔡公如晦卒上語及必流涕

○是歲大有年上

之初即位也常與群臣語及教化曰大亂之後其難

治乎魏徵對曰饑者易為食渴者易為飲封德彝曰

三代以還人漸澆訛故秦任法律漢雜霸道蓋欲化

不能豈能之而不欲邪徵曰五帝三王不易民而化

湯武皆乘大亂之後身致太平行帝道而帝行王道

而王顧所行何如耳上卒從徵言元年關中饑斗米

直絹一匹二年天下蝗三年大水上年勤而撫之未嘗

嗟怨至是天下大稔米斗三四錢終歲斷死刑纔十

九人東至于海南及五嶺皆外戶不閉行旅不齎糧

取給於道路焉上曰魏徵勸我行仁義今既效矣惜

不令封德彝見之蓋德彝元年六月死矣 ○五年

林邑新羅入貢 ○党項內附開其地為十六州

○七年春宴玄武門奏七德九功舞徵欲上偃武修

文每侍宴見七德舞輒俛首不視七德舞者秦王破

陣曲也見九功舞則諦觀之王珪罷徵為侍中 ○

上親錄囚徒見應死者閱之縱使歸家期以來秋就

死仍赦天下死囚皆縱遣至期來詣京師至是皆如

期自詣朝堂上皆赦之凡三百九十人 ○上奉太

上皇置酒未央宮。上皇命頡利可汗起舞。馮智戴詠詩笑曰：胡越一家古未有也。○八年吐蕃遣使入

貢。○九年太上皇崩。上皇即位。九年而禪位。至是

又九年。○吐谷渾先是入寇涼州。以李靖帥諸軍

討破之。○十年吐谷渾遣子入侍。○治書侍御

史權萬紀言：宣饒銀大發。采之歲可得數百萬。上曰：

卿未嘗進一賢才。而專言銀利。昔堯舜抵璧於山。投

珠於谷。漢之桓靈。乃聚錢為私藏。卿欲以桓靈俟我

耶。黜之。○定府兵。凡十道置府。六百三十四。而關

內二百六十一。皆隸諸衛。及東宮六率。上府兵。凡千

二百人。中府千人。下府八百人。三百人為團。團有校

尉。五十人為隊。隊有正。十人為火。火有長。每人兵甲

糧裝各有數。輸之庫。征行給之。二十為兵。六十而免。

能騎射者為越騎。其餘為步兵。更命統軍別將為折

衝果毅都尉。每歲季各折衝都尉帥以教戰。當給馬

者官與直當宿衛者番上。兵部以遠近給番。遠疎近

數皆一月而更。○十三年夏旱。詔五品以上言事。

魏徵言：陛下比貞觀初。漸不克終者十條。上深獎歎。

○十四年。上詰國子監。親釋奠。是時大徵天下名

儒為學官。數幸國子監。使之講論。學生能明一經已

上者皆得補官。增築學舍千二百間。增學生滿三千二百六十員。自屯營飛騎。亦給博士。授經有能通經者。聽得貢舉。於是四方學者雲集京師。乃至高麗。百濟。新羅。高昌。吐蕃。諸酋長亦遣子弟請入國學。升講筵者至八千餘人。上以師說多門。章句繁雜。命孔穎達與諸儒定五經。疏謂之正義。○高昌王麴文泰先是多過絕西域。朝貢及拘留中國人。以侯君集為交河大總管。將兵擊之。至是滅高昌。以其地為西州。○十五年吐蕃求婚。以文成公主嫁之。○十七年鄭公魏徵卒。上曰。以銅為鏡。可正衣冠。以古為鏡。可見興替。以人為鏡。可知得失。徵沒朕亡一鏡矣。徵葬。上自製碑。書石。○圖畫功臣長孫無忌。趙郡王孝恭。杜如晦。魏徵。房玄齡。高士廉。尉遲敬德。李靖。蕭瑀。段志玄。劉弘基。屈突通。殷開山。柴紹。長孫順德。張亮。侯君集。張公謹。程知節。虞世南。劉政會。唐儉。李勣。秦叔寶等。於凌煙閣。○太子承乾不才。魏王泰多能有寵。潛有奪嫡之志。侯君集負功。怨望。以承乾暗劣。欲乘釁。因勸之反。事覺。廢為庶人。君集坐誅。泰亦以險詐不立。立晉王治為太子。魏徵嘗薦君集。上始疑徵阿黨。又有言徵自錄前後諫辭。示起居郎褚遂

可見興替。以人為鏡。可知得失。徵沒朕亡一鏡矣。徵葬。上自製碑。書石。○圖畫功臣長孫無忌。趙郡王孝恭。杜如晦。魏徵。房玄齡。高士廉。尉遲敬德。李靖。蕭瑀。段志玄。劉弘基。屈突通。殷開山。柴紹。長孫順德。張亮。侯君集。張公謹。程知節。虞世南。劉政會。唐儉。李勣。秦叔寶等。於凌煙閣。○太子承乾不才。魏王泰多能有寵。潛有奪嫡之志。侯君集負功。怨望。以承乾暗劣。欲乘釁。因勸之反。事覺。廢為庶人。君集坐誅。泰亦以險詐不立。立晉王治為太子。魏徵嘗薦君集。上始疑徵阿黨。又有言徵自錄前後諫辭。示起居郎褚遂

良上愈不悅。徵臨終，上面指公主，欲妻其子叔玉。至是，停其婚。陪所立碑。○十八年，上親征高麗。先是，

高麗泉蓋蘇文弑其君，新羅又遣使言百濟與高麗

連兵，謀絕新羅入貢之路。乞兵救援。上遂討之。先如

洛陽。○十九年，上發洛陽，至定州，進諸軍。上渡遼

水，拔遼東城，降白巖城。攻安市城，大破其救兵於城

下。安市城險，兵精，堅守不下。議者欲拔烏骨城，渡鴨

綠水，直取平壤，覆其本根，則餘可不戰而降。或又謂

親征異於諸將，不可乘危。上以遼左早寒，草枯水凍，

士馬難久留，且糧將盡，敕班師。是行，拔十城，徙戶口

十萬。三大戰，斬首四萬餘級。然戰士死者幾三千人。

戰馬死什七八，不能成功。深悔之，歎曰：魏徵若在，不

使我有此行也。命馳驛祠徵，以少牢復立所製碑。

○二十年，上如靈州，遣李世勣擊薛延陀，破降之。招

諭敕勒諸部，回紇等十一姓，各遣使歸命。乞置官司。

詔曰：朕聊命偏師，逐擒頡利。始弘廟略，已滅延陀。鐵

勒百餘萬戶，請為州郡。混元以降，殊未前聞。宜備禮

告，廟仍頒示天下。上為詩曰：雪恥酬百王，除兇報千

古。刻石於靈州。○二十二年，司空梁公房玄齡卒。

上悲不自勝。玄齡佐上定天下，及終相位，三十二年。

號為賢相然無迹可尋上定禍亂而房杜不言功王
 魏善諫諍而房杜讓其賢英衛善將兵而房杜行其
 道理致太平善歸人主為唐宗臣 ○二十三年上
 有疾謂太子曰李世勣才知有餘然汝與之無恩我
 今黜之我死用為僕射親任之若徘徊顧望則當殺
 之耳乃左遷疊州都督受詔不至家而去 ○上崩
 在位二十四年改元者一曰貞觀上雖以武功定禍
 亂終以文德綏海內常自以驕侈為懼嘗曰人主惟
 一心攻之者衆或以勇力或以辨口或以諂諛或以
 姦詐或以嗜欲輻湊各求自售人主少懈而受其一

則危亡隨之此其所以難也嘗問侍臣創業守成孰
 難玄齡曰草昧之初群雄並起角力而後臣之創業
 難矣魏徵曰自古帝王莫不得之於艱難失之於安
 逸守成難矣上曰玄齡與吾共取天下出百死得一
 生故知創業之難徵與吾共安天下常恐驕奢生於
 富貴禍亂生於所忽故知守成之難然創業之難往
 矣守成之難方與諸公慎之自知神采為臣下所畏
 常溫顏接群臣導人使諫賞諫者以來之惟末年東
 征之役諸遂良嘗諫不聽太子立是為高宗皇帝
 高宗皇帝名治母長孫皇后承乾廢長孫無忌力勸

太宗立治在東宮七年。太宗嘗作帝範十二篇以賜曰。修身治國盡在其中。一旦不諱更無言矣。至是即位。長孫無忌褚遂良受先帝遺詔輔政。以李勣為左僕射尋為司空。○永徽五年以太宗才人武氏為昭儀。○六年上欲廢皇后王氏立武昭儀為后。許敬宗李義府贊之。褚遂良不可。以問李勣。勣曰。此陛下家事何必更問外人。事遂決。褚遂良貶義府參知政事。義府貌若溫恭與人嬉怡而狡險忌克人。謂笑中有刀。柔而害物。謂之李猫。○武后以長孫無忌不助己深怨之。顯慶四年削無忌官黔州安置。遂良

先丁年卒。至是無忌與初議者柳奭韓瑗皆被殺。

○乾封元年上封泰山至亳州尊老君為太上玄元

皇帝。○以李勣為遼東大總管伐高麗。○總章

元年李勣拔平壤降其王高麗悉平置安東都護府。

○上元元年帝稱天皇。后稱天后。○初帝以賤

妾子忠為太子。武后廢之立后之子弘。弘仁孝中外

屬心。忤后意。鳩之立其次。曰賢。又以事廢之而立其

次哲。○上在位改元者十三。曰永徽。顯慶。龍朔。麟

德。乾封。總章。咸亨。上元。儀鳳。永隆。開耀。永淳。弘道。凡

三十四年而政在中宮者三十年矣。自褚遂良等死

後群臣無敢諫者。李善成嘗因事一諫，人以為鳳鳴。朝陽上崩，太子哲即位，是為中宗皇帝。

中宗皇帝初名顯，改名哲。既即位，立韋妃為后，改元曰嗣聖。明年武后廢帝為廬陵王，而立其弟且且，擁虛器者七年，改元曰垂拱。曰永昌。太后廢且，為皇嗣，而稱帝，是為則天武氏。○則天武氏，故荊州都督武士護之女也。太原人，年十四，太宗聞其美名，入後宮，以貞觀十一年為才人。時天下歌曲名斌媚娘，已成讖。貞觀末，太白屢書見，大史占云：女主昌。又傳秘記：唐三世後，女主武王代有天下。太宗惡之，嘗與群

臣宴，令各言小名。武衛將軍李君羨官稱封邑，皆有武字，而小名五娘。太宗愕曰：何物女子，乃爾健邪？或奏君羨謀不軌，遂誅之。密問太史李淳風對曰：臣仰觀天象，俯察曆數，其人已。在陛下宮中，不過三十年。當王天下，殺唐子孫，殆盡其兆，已成矣。太宗崩，才人年二十四矣，為尼。高宗幸寺，見之而泣。時王皇后與蕭淑妃爭寵，密令長髮勸高宗納之。既入，而后與淑妃皆失寵。武氏年三十二，遂自昭義為后。王蕭皆為所殺。贈父士護周國公，尋加贈太原王。高宗苦風眩，不能視，百司奏事，或使皇后決之。后性明敏，涉獵文

小學十八史略讀本

卷之三

二十四史

卷之三

史處事皆稱旨。由是委以政事。權與人主侔。人謂之
二聖。在高宗之世。后自殺。子弘廢。子賢。高宗既崩。子
哲即位。廢為廬陵王。而立子且。后臨朝稱制。立武氏
七廟。英公李敬業起兵討之。檄曰。一杯之土。未乾。六
尺之孤。安在。又曰。試觀今日之域中。竟是誰家之天
下。太后遣將擊殺之。越王貞又舉兵。匡復不克而死。
太后遂大殺唐宗室。自名嬰。稱皇帝。國號周。以且為
皇嗣。改姓武。時嬰年六十七矣。初。寵僧懷義。後寵張
易之。張昌宗。兄弟居中用事。易之。五郎。昌宗。六郎。佞
者。曰。人言六郎似蓮花。吾謂蓮花似六郎。耳。嬰知人

心不服。且內行不正。畏人議。已盛開告密之門。用酷
吏侯思止。索元禮。周興。來俊臣。吉頊等。鍛鍊羅織。率
以反逆誣人。誅殺不可勝紀。用此拊制天下。然有權
數善用人。賢才亦樂為之用。徐有功。仁恕。執法。墨每
屈意從之。將相多得人。魏元忠。婁師德。狄仁傑。姚元
崇。皆名相。宋璟亦顯於朝。師德寬厚。清慎。犯而不校。
弟除代州刺史。師德謂兄弟榮寵過盛。人所疾也。何
以自免。弟曰。自今人雖唾其面。拭之而已。師德愀然
曰。此所以為吾憂也。人唾汝面。怒汝也。而拭之。則逆
其意而重其怒矣。唾不拭。自乾。當笑而受之耳。師德

每薦仁傑而仁傑每毀師德。壘語仁傑曰：朕用卿師德所薦也。仁傑退而歎曰：婁公盛德，我為所容久矣。武承嗣三思營求為太子，仁傑從容言於壘曰：太宗櫛風沐雨，親冒鋒鏑，以定天下，傳之子孫，太帝以二子托陛下，今乃欲移之他族，無乃非天意乎？姑姪與母子孰親？陛下立子則千秋萬歲，後配食太廟，立姪則未聞姪為天子而祔姑於廟者也。壘稍悟，已而又力勸之，遂自房州召廬陵王還都，立為皇太子。以子且為相王，仁傑最見信重，好面折廷爭，壘常屈從，稱為國老而不名。仁傑卒，壘泣歎曰：元行沖博學多通，仁

傑重之，行沖多規諫，曰：明公之門珍味多矣，請備藥物之末。仁傑笑曰：吾藥籠中物，何可一日無也？姚元崇等數十人皆仁傑所薦，或曰：天下桃李悉在公門矣。仁傑曰：薦賢為國，非為私也。壘嘗問仁傑欲得一佳士用之，仁傑曰：有張柬之者，雖老宰相才也。後竟用柬之為相，壘寢疾甚，柬之與崔玄暉、敬暉、桓彥範表怨已，率羽林將軍李多祚等舉兵討內亂，迎太子於東宮，斬關入，斬易之，昌宗於廡下，遷壘於上陽宮。上尊號曰則天太聖皇帝。是冬殂，年八十二。易唐為周者十有六年，改元者十。曰天授、如意、長壽、延載。曰

萬歲通天。曰神功聖曆。久視大足。長安。長安之五年。帝復位。號唐帝。即位二月而被廢。居均州者一年。居房州者十三年。還為太子者又八年。而後反正。韋氏復為皇后。上在房陵。每欲自殺。后每止之。上與私誓。異時幸復見天日。惟所欲不禁。至是每臨朝。后必施帷幔坐殿上。預聞朝政。如武氏在高宗之世。上女安樂公主。適武三思之子。三思以是得入宮禁。通於韋后。后與三思。雙陸而上。為點籌。上遂與三思圖議政事。張柬之等皆受制。五人皆賜王爵。而罷政。已而逮賊殺之。安樂公主等依勢用事。請謁受賂。降墨敕。除

官。斜封。付中書。時謂之斜封官。凡數千人。人有上言。皇后淫亂。上面詰之。其人抗言不撓。中書令宗楚客矯制撲殺之。上意怏怏。后及其黨始懼。馬秦客楊均皆幸於后。恐事泄。安樂公主亦欲后臨朝。以己為皇太女。乃相與謀於餅餠中。進毒。上復位。改元者二。曰神龍。景龍。景龍四年而遇弒。立溫王重茂。后攝政。相王子隆基起兵討亂。斬后及安樂公主。并其黨皆誅之。廢重茂。奉相王立之。是為睿宗皇帝。

睿宗皇帝名旦。初高宗崩。中宗廢。武氏立。且為帝者七年矣。而廢為周皇嗣者九年。改封相王者十年。至

是復為帝。立隆基為太子。宋璟姚元之為政。二人協心革弊政。進忠良。退不肖。賞罰盡公。請托不行。紀綱脩舉。當時翕然。貶祝欽明等。欽明嘗為八風舞。人曰。五經掃地矣。○帝妹太平公主於誅二張。誅韋氏時。皆有力。既屢立大功。勢尊重。上嘗與議政。權傾人主。其門如市。憚太子英武。欲易之。賴韋安石宋璟張說姚元之等感悟。上意政事皆取太子。處分。上自復為帝。改元者二。曰景雲。太極。至是三年。自稱太上皇。傳位於太子。是為玄宗明皇帝。

玄宗明皇帝名隆基。初為臨淄王。韋氏之亂。陰聚才

勇之士。密謀匡復。太宗初。選驍騎為百騎。武后增為千騎。隸左右羽林。中宗謂之萬騎。置使領之。隆基皆厚結其豪傑。卒誅韋氏。奉睿宗。封為平王。睿宗將建儲嫡。長子成器。以平王有功力。讓之。遂為太子。尋受禪。○開元元年。高力士為右監門將軍。知內侍省事。初。太宗定制。內侍省不置三品官。黃衣廩食。守門傳命而已。至是。除三品將軍者寢多。宦官增至三千人。內侍之盛始此。○姚崇為紫微令。○二年。以太常不應併典俗樂。置左右教坊。謂之皇帝梨園。弟子。○焚珠玉錦綉於殿前。○作興慶宮。置樓。西

小學一八史略讀本 卷之三 五十一 正統堂精校

曰花萼相輝。南曰勤政務本。宋王成器等宅環其側。

○三年。盧懷慎為黃門監。懷慎清謹儉素。妻子不免饑寒。所居不蔽風雨。姚崇嘗謁告十餘日。政事委積。懷慎不能決。崇出。須臾裁決盡。顧謂齊澣曰。我為相。何如澣。曰。可謂救時之相。懷慎知才不及。每事推崇。時謂之伴食宰相。○四年。姚崇罷。宗璟為黃門監。璟為相。務擇人。百官各得其職。好犯顏。正諫。上甚敬憚之。璟與姚崇相繼為政。崇善。應變。璟善守文。志操不同。然協心輔佐。使賦役寬平。刑罰清省。百姓富庶。唐世賢相。前稱房杜。後稱姚宗。侂莫得比。二人每

進見。上輒為之起去。則臨軒送之。○八年。宋璟罷。

○九年。宇文融言。天下戶口逃移。巧偽甚眾。請加檢括。同平章事源乾曜贊成之。以融為勸農使。奏置勸農判官十人。分行天下。競為剋急。州縣承風。勞擾百姓。苦之。○同三品張說建議。召募壯士。旬日得精兵十三萬。分隸諸衛。更番上下。兵農之分。始此。

○十三年。更命長從宿衛為曠騎。○二十一年。韓休同平章事。休為人峭直。上或宴遊小過。輒謂左右曰。韓休知否。言終。諫疏已至。左右曰。休為相。陛下殊瘦於舊。上歎曰。吾雖瘠。天下肥矣。休罷。張九齡繼之。

○二十二年九齡為中書令李林甫同三品林甫柔佞多狡數深結宦官及妃嬪家伺上動靜無不知之由是每奏對常稱旨 ○二十四年幽州節度使張守珪執敗軍將安祿山送京師張九齡批曰守珪軍令若行祿山不宜免死上惜其才勇赦之九齡力爭曰祿山有反相不誅必為後患上曰卿勿以王夷甫識石勒枉害忠良竟不誅祿山本營州雜胡也初名阿榮山母再適安氏故冒其姓部落破散逃來狡黠為守珪所愛又有史宰于者與祿山同里閭亦驍勇守珪遣入奏事上賜名思明 ○千秋節群臣皆

獻寶鏡九齡述前世興廢為千秋金鑑錄五卷上之 ○九齡罷李林甫兼中書令上在位久漸肆奢欲林甫遂得專政 ○二十六年立忠主為太子 ○二十九年以安祿山為營州都督祿山傾巧善事人上左右至平盧皆厚賂歸譽之上益以為賢 ○天寶元年以祿山為平盧節度使 ○二年祿山入朝 ○三年改年曰載 ○以祿山兼范陽節度使 ○四載以楊太真為貴妃故蜀州司戶玄琰女也為上子壽王妃十年矣上見其美令自以其意乞為女官且為壽王別娶而後納之遂專寵 ○六載以祿

上子壽王妃十年矣上見其美令自以其意乞為女官且為壽王別娶而後納之遂專寵 ○六載以祿

山兼御史大夫。祿山請為楊貴妃兒。九載賜祿山爵東平郡王。兼河北道採訪處置使。祿山入朝。楊釗兄弟姊妹皆往戲水迎之。釗貴妃之從祖兄也。得出入禁中。先是判度支屢奏帑藏充牣。上帥群臣觀之。由是視金帛如糞土。賞賜無限。賜釗名國忠。○十載為安祿山起第窮極華麗。上日遣諸楊與之游。祿山體肥大。上嘗指其腹曰。此胡腹中何所有。對曰。有赤心耳。祿山入禁中。先拜貴妃。上問其故。曰。胡人先母而後父。祿山生日。賜予甚厚。後三日召入。貴妃以錦綉為大襪。祿使宮人以絲輿舁之。上聞歡笑問故。左

右以貴妃洗祿兒對。上賜妃浴兒金銀錢。盡歡而罷。自是出入宮掖。通宵不出。頗有醜聲。聞于外。上亦不疑。又以祿山兼河東節度使。李林甫與祿山語。每揣知其情。先言之。祿山驚服。每見盛冬必汗。謂林甫為十郎。既歸范陽。其下自長安歸。必問十郎何言。得美言則喜。或但云語安太夫。須好點檢。即曰噫。嘻。我死矣。○十一載李林甫卒。林甫媚事上。左右迎合上意。以固寵。杜絕言路。掩蔽聰明。嘗語諸御史曰。不見立仗馬乎。一鳴輒斥去。妬賢嫉能。排抑勝己。性陰險。人以為口有密腹。有劍。每夜獨坐偃月堂。有所深思。

明日必有誅殺。屢起大獄。自太子以下皆畏之。在相位十九年。養成天下之亂。而上不悟。然祿山畏林甫術數。故終其世未敢反。是歲國忠為相。言祿山必反。且曰。試召必不來。○十三載祿山聞名。即至上。由是不信國忠之言。加祿山左僕射而歸。○十四載祿山請以蕃將代漢將。上猶不疑。表請獻馬三千匹。每匹二人執轡。二十二將部送河南。上始疑之。遣使止其獻。祿山踞床不拜。曰。馬不獻亦可。十月當詣京師。使還亦無表。是冬祿山遂反。發所部兵及奚契丹凡十五萬。發范陽。引而南。步騎精銳。煙塵千里。時承

平久。百姓不識兵革。州縣皆望風瓦解。進陷東京。○平原太守顏真卿起兵討賊。上始聞河北從賊。歎曰。二十四郡曾無一人義士邪。及真卿奏至。大喜。曰。朕不識真卿何狀。乃能如此。○常山太守顏泉卿起兵討賊。河北諸郡皆應之。○十五載安祿山僭號稱大燕皇帝。○賊將史思明陷常山。執顏杲卿。送洛陽。祿山數其反已杲。卿曰。我為國討賊。恨不斬汝。何謂反也。臊羯狗何不速殺我。祿山大怒。縛而舁之。比死罵不絕口。○真源令張巡帥吏民哭於玄元皇帝廟。起兵於雍丘討賊。○朔方節度使郭子

儀河北節度使李光弼與賊將史思明戰大破之首
 復河北數郡副元帥哥舒翰與賊戰大敗麾下執翰
 降賊賊遂入關上出奔次于馬嵬將士飢疲皆憤怒
 殺楊國忠等及逼上縊殺貴妃然後發父老遮道請
 留上命太子慰撫之父老擁太子馬不復得行使皇
 孫俶白上上曰天也使喻太子曰汝勉之西北諸胡
 吾撫之素厚汝必得其力且宣旨欲傳位太子至平
 涼朔方留後杜鴻漸迎入靈武請遵馬嵬之命戕五
 上乃許尊上為上皇天帝上在位四十五年改元者
 三曰先天開元天寶太子立是為肅宗皇帝

肅宗皇帝初名璵改名亨自忠王為太子二十年而
 遇祿山之亂至是即位京兆李泌自幼以才敏聞上
 在東宮嘗與泌為布衣交遣使召之謁見於靈武事
 無大小與之謀上皇至成都遣冊寶如靈武 ○遣
 使徵兵於回紇 ○招討節度使房瑄與賊戰于陳
 濤邪瑄用車戰大敗 ○至德二載安慶緒殺祿山
 祿山自起兵以來目昏至是不復見物又病疽躁暴
 欲以嬖妾子代慶緒為嗣慶緒使人弒之而自立祿
 山僭號僅一年餘 ○上至鳳翔回紇遣子葉護將
 精兵四千人至天下兵馬都元帥廣平王俶副元帥

郭子儀將朔方等軍及回紇西域之衆發鳳翔至長安擊賊賊大潰大軍入西京倣留鎮撫三日引軍東出至洛陽與回紇夾擊賊大敗遂復東京安慶緒走保鄴○賊將尹子奇陷睢陽張巡許遠死之巡先守雍丘移軍寧陵屢破賊既而入睢陽與遠共守屢却賊食盡或欲棄城巡遠謀曰睢陽江淮之保障若棄之賊必長驅是無江淮也不如堅守以待救食茶紙盡遂食馬馬盡羅雀掘鼠雀鼠又盡巡殺愛妾以食士四萬人僅餘四百終無叛者賊登城將士困病不能戰巡西向再拜曰臣力竭矣生既無以報陛下

死當為厲鬼以殺賊城遂陷巡遠被執南霽雲雷萬春等三十六人皆被殺○上皇發蜀郡還西京○乾元元年命郭子儀等九節度討安慶緒○二年史思明引兵救慶緒九節度之兵潰于鄴思明殺慶緒還范陽僭號○李光弼代郭子儀為朔方節度使兵馬元帥光弼號令嚴整始至號令一施士卒壁壘旗幟精明皆變與史思明戰屢敗之○上元元年太僕卿李輔國遷上皇於西內上皇愛興慶宮自蜀歸即居之多御樓父老過者往往瞻拜呼萬歲上皇常於樓下賜以酒食又嘗召將軍郭英又等上

樓賜宴。輔國言：上皇居興慶，日與外人交通。陳玄禮高力士謀不利於上，數啟上遷之，不許。乘上不豫，率眾劫遷上皇，日以不懌，因不茹葷，辟穀，寢以成疾。

○二年，史朝義殺史思明，思明愛少子，而惡朝義，因其敗軍欲斬之。朝義使人射殺思明而自立。○李

光弼為大尉，統八道行營，鎮臨淮。○寶應元年，郭

子儀知諸道節度行營，兼興平、定國等軍，副元帥，復

入朔方。○上皇崩於西內，傳位後七年也。壽七十

八。○上寢疾，聞上皇登遐，轉劇，遂崩。在位七年，改

元者四，曰至德、乾元、上元、寶應。初，張皇后與李輔國

相表裡，專權用事，晚更有隙。上疾篤，后名太子，謂曰：

輔國久典禁兵，陰謀作亂，不可不誅。太子恐震驚上，

體不可。輔國聞其謀，上崩殺后，而後引太子立之，是

為代宗皇帝。

代宗皇帝初名倓，封廣平王，為元帥，定兩京，封楚王。

改成王，已而為太子，改名豫。至是即位，誅李輔國，以

雍王适為天下兵馬元帥，率諸將及回紇援兵討史

朝義，大敗之。賊將李懷仙斬朝義以降，以賊將張志

忠鎮成德軍，賜姓名李寶臣。薛嵩鎮相衛，邢洺貝磁

等州，田承嗣鎮魏博，德滄瀛等州，李懷仙鎮盧龍，朝

宗

廷厭苦兵革苟冀無事因而授之諸鎮自為黨援河
 朔敢抗朝命始此 ○廣德元年吐蕃入寇上出奔
 陝州吐蕃入長安關內副元帥郭子儀擊之吐蕃遁
 去 ○二年流宦者程元振元振初附李輔國輔國
 死元振專權自恣尤甚忌諸將有大功者皆欲害之
 吐蕃入元振掩蔽不以時奏致上狼狽中外切齒至
 是流漆州 ○臨淮王李光弼卒上之幸陝光弼不
 至上撫之加厚素與子儀齊名及在徐州擁兵不朝
 麾下諸大將不復尊畏光弼愧恨成疾而死 ○永
 泰元年平盧將李懷玉逐節度使侯希逸而自知留

後詔因而授之賜名正己 ○叛將僕固懷恩誘回
 紇吐蕃入寇名郭子儀屯涇陽懷恩道死二虜爭長
 不睦子儀遣人說回紇欲共擊吐蕃先是懷恩欺回
 紇謂子儀已死使至回紇不信曰郭公在可得見乎
 使還報子儀與數騎出使人傳呼曰令公來回紇大
 驚藥葛羅執弓矢立陣前子儀免胄釋甲而進諸酋
 長相顧曰是也皆下馬羅拜子儀亦下馬執手與之
 語取酒相與誓約而還吐蕃聞之夜遁諸軍與回紇
 共追大破之 ○三年幽州將朱希彩殺李懷仙詔
 因以希彩領鎮 ○大曆五年誅宦者魚朝恩朝恩

在肅宗時嘗為觀軍容使軍容之名始此九節度相
 州之敗其時也至廣德初為天下觀軍容宣慰處置
 使專總禁兵勢傾朝野大曆初判國子監升座講鼎
 覆餗以譏宰相王璿怒元載怡然朝恩曰怒者常情
 笑者不可測也朝政有不預者輒怒曰天下事有不
 由我者邪上聞之不懌載乘間奏其專恣不軌遂誅
 之○七年盧龍將殺朱希彩而以朱泚領鎮詔因
 授之○九年朱泚以弟滔領鎮而入朝○十二
 年有告元載圖不軌者案問賜死籍其家胡椒至八
 百斛他物稱是○以楊綰常袞同平章事綰素清

儉制下郭子儀方宴減坐中聲樂五分之四京兆尹
 黎幹驕從甚盛即日省之止存十騎綰相三月而卒
 上痛悼之曰天乎不欲朕致太平何奪朕楊綰之速
 也○十四年田承嗣卒姪悅代之○淮西將李
 希烈逐節度使詔因以鎮授希烈○上在位十八
 年改元者三曰廣德永泰大曆崩太子立是為德宗
 皇帝

德宗皇帝名适自雍王為太子至是即位○常袞
 以欺罔貶崔祐甫同平章事祐甫欲叔時望未二百
 日除官八百人上曰人謗卿所用多涉親故何也對

曰臣為陛下擇人不敢不慎非親非故何以諳其才行而用之 ○淄青李正己畏上威名表獻錢三十萬緡崔祐甫請遣使慰勞淄青將士因以賜之正己慚服天下以為太平庶幾可望 ○上方勵精求治不次用人祐甫薦楊炎自司馬除為同平章事既而祐甫病不視事 ○建中元年始作兩稅法唐初賦歛之法有田則有租有身則有庸有戶則有調玄宗之末版籍寢壞至德兵起所在賦歛迫趣取辦無復常準下戶不勝困弊率皆逃徙至是楊炎建議先計州縣每歲所用及上供之數而賦於人量出以制入

戶無主客以見居為簿人無丁中以貧富為差為行商者在所州縣稅三十之一居人之稅秋夏兩徵之其租庸調雜徭悉省 ○崔祐甫卒 ○殺忠州刺史劉晏晏善治財計自肅宗代宗以來領戶部度支鑄錢塩鐵轉運等事以同平章事充使通漕運幹塩利制百貨之低昂軍國之用賴以充足然久典利權衆頗疾之又與楊炎不相悅竟貶忠州人希炎旨告晏怨望上遣人縊之 ○二年成德李寶臣卒子惟嶽自領軍務後王武俊斬而代之 ○楊炎盧杞同平章事炎未幾罷杞藍面鬼色有口辯上悅之 ○

尚父大尉中書令汾陽忠武王郭子儀卒子儀以身為天下安危者三十年功蓋天下而主不疑位極人臣而衆不疾嘗遣使至魏博田承嗣西望拜之曰茲膝不屈於人久矣今為公拜校中書令凡二十四考家人三千人八子七壻皆顯諸孫數十人每問安不能盡辨額之而已年八十三而終 ○平盧李正己卒子納自領鎮朱滔田悅王武俊李納先後皆反 ○三年四人皆自稱王 ○李希烈反 ○兩河用兵府庫不支數月先括富商錢增諸道稅四年行稅間架除陌錢等法 ○李希烈寇襄城詔發涇原等

道兵救之涇原節度使姚令言將兵過京師搗師惟糲食菜餒衆怒作亂入城上出奔亂兵奉大尉朱泚為主司農卿段秀實謀誅泚不克泚召衆議稱帝秀實唾其面大罵以笏擊泚額血濺地泚殺之遂僭號大秦皇帝先是有術士桑道茂言數年後有離宮之厄奉天有天子氣宜高大其城以備非常上從之至是遂奔奉天泚犯奉天李晟率兵赴援渾瑊擊泚破之奉天圍解李懷光赴難亦破泚兵至奉天欲入白盧杞之姦杞隔之不得入見而行上表暴杞惡衆論亦喧騰然杞上不得已遠貶之 ○興元元年大赦

陸贄勸上罪已以謝天下奉天所下書詔驕將悍卒

聞之無不感激揮涕王武俊田悅李納上表謝罪

○李希烈僭號大楚皇帝 ○置瓊林大盈庫於行

宮陸贄諫去其榜 ○李懷光反上奔梁州 ○魏

博田緒殺田悅自領軍府 ○李晟克復長安朱泚

走其將斬之以降晟露布至行在曰臣已肅清宮禁

祇謁寢園鐘簷不移廟貌如故上覽之泣曰天生李

晟以為社稷非為朕也 ○車駕還長安 ○顏真

卿為李希烈所殺先是真卿為盧杞所陷遣奉使希

烈所人言失一元老為國家羞至賊中留之將二歲

不屈竟為賊所縊 ○貞元元年盧杞量移將再入

而卒 ○幽州朱滔卒 ○馬燧及諸軍平河中李

懷光縊死 ○二年淮西將陳仙奇殺李希烈以降

吳少誠殺仙奇朝廷因以少誠領鎮 ○三年張延

賞同平章事先是吐蕃尚結贊據塩夏州李晟嘗破

其一堡渾瑊馬燧各舉兵臨之懼而請和昇辭厚禮

求於馬燧燧信而請於朝晟曰戎狄無信不如擊之

延賞與晟有隙數言和便遣渾瑊與吐蕃盟於平涼

吐蕃劫盟瑊走免吐蕃畏晟燧瑊曰去此三人則唐

可圖也於是離間晟因燧以求盟欲執瑊以賣燧使

併得罪。因縱兵直犯長安。會失城而止。○李泌同平章事。上與泌從容論即位以來宰相人言。盧杞姦邪。朕殊不覺。泌曰。此乃所以為姦邪也。倘覺之。豈有建中之亂乎。泌有謀略而好談神仙詭誕。故為世所輕。為相未三歲而卒。○八年。陸贄同平章事。○九年。大尉中書令西平忠武王李晟卒。○十年。陸贄罷。○十一年。貶贄忠州別駕。贄自奉天以來。宣力最多。隨事論諫。剴切百奏。帝追仇盡言。又被譖。故貶。初。夏縣陽城以處士徵為諫議大夫。皆想望風采。在職七年而不諫。韓愈作爭臣論譏之。至是判度支。

裴延齡請贄城率諸諫官守關論延齡姦佞。贄無罪。時朝夕且相延齡。城曰。脫以延齡為相當。取白麻壞之。慟哭於庭。遂沮城左遷。國子司業後又貶道州刺史。治民如治家。自書其考曰。撫字心勞。催科政拙。考下下。○十四年。淮西吳少誠叛。○二十一年。上崩。在位二十七年。改元者三。曰建中。興元。貞元。初政清明者二歲。而盧杞用矣。叛亂相繼。末年姑息而已。太子立。是為順宗皇帝。

順宗皇帝名誦。方為太子時。有善書者王伾。善棋者王叔文。俱出入。娛侍。因言。某可相。某可將。幸異日用。

之密結學士韋執誼及朝士有名而求速進者陸淳
呂溫李景儉韓曄韓泰陳諫柳宗元劉禹錫等定為
死交日與游處蹤跡詭秘莫有知其端倪者德宗崩
太子即位先是有風疾失音五閱月矣侄叔文等用
事○追陸贄陽城赴京未至卒○上在位改元
曰永貞僅八月自稱太上皇傳位於太子是為憲宗
章武皇帝

憲宗皇帝名純年二十八為太子監國尋即位敗王
侄王叔文侄病死叔文賜死其黨皆遠貶○元和

元年西川節度使劉闢反同平章事杜黃裳薦高崇

文討之○夏州留後楊惠琳拒朝命詔討之為兵

馬使所斬○高崇文克成都擒劉闢送京師斬之

○二年鎮海節度使李錡反詔討之兵馬使執錡

送京師斬之○三年沙陀朱邪盡忠與其子執宜

來降沙陀勁勇冠諸胡吐蕃每戰以為前鋒後疑其

貳於甲鵠欲遷之河外懼而歸唐置之靈州用以征

討皆捷○自杜黃裳以後相繼為相者武元衡李

吉甫裴均李藩李絳皆賢相均嘗為李吉甫疏人才

三十餘數月用盡翕然稱為得人均器局峻整人人

不敢干以私藩嘗為給事中制敕有不可者即批之

小學上八各賣六卷之三

吏請更連素紙。藩曰：如此則狀也。何名批救？均薦之。為相知，無不言。絳鯁直，吉甫善逢迎。絳每與爭論於上前，上多直絳。時在朝如崔群、白居易等皆讜讜直。元和之世，朝廷清明，以此。○七年，魏博兵馬使田興請吏奉貢，詔以為節度使。遣裴度宣慰，賜錢百五十萬緡，犒其軍。六州百姓皆給復一年。軍受賜，歡聲如雷。成德、兗、郟諸鎮使者見之，相顧失色。歎曰：倔強者果何益乎？賜興名弘正。○初，彰義節度使吳少誠死，弟少陽自領軍府。少陽陰養亡命，少陽死，子元濟自領軍府。縱兵侵掠，及東畿。詔發十六道兵討之。

平盧節度使李師道請赦元濟，不許。裴度宣慰淮西，行營還言：淮西可決取。上悉以兵事委同平章事武元衡。師道素養刺客姦人，客請密往刺元衡。則佗相必爭勸天子罷兵矣。元衡入朝，賊暗射殺之。又擊度，傷首。上怒討賊愈急。以度同平章事，上曰：吾倚度一人足破賊。命度兼彰義節度使，充淮西宣慰招討使。督諸軍進討。唐鄧節度使李愬先擒賊將丁士良。吳秀琳、李祐釋而用之。用祐計，雪夜七十里引兵入蔡州城，擊鵝鴨池，混軍聲。鷄鳴入據元濟之外宅。元濟登牙城拒戰，已而就擒。檻送京師，斬之。自叛及誅，凡

用兵二歲時元和十二年也淮西既平上浸驕侈先是二歲已用李逢吉同平章事至十三年又用度支使皇甫鎛監鐵使程昇進羨餘有寵並同平章事朝野駭愕元和之政非矣 ○十四年迎鳳翔法門寺塔佛指骨至京師留禁中三日歷送諸寺王公士民瞻奉捨施惟恐不及侍郎韓愈上表極諫乞以投之水火上大怒貶潮州刺史 ○平盧將執斬李師道 ○裴度罷 ○十五年上暴崩上服金丹多躁左右獲罪有死者人人自危宦者陳弘志弒逆其黨諱之但言藥發在位十六年改元者一曰曰元和太子立

是為穆宗皇帝

穆宗皇帝名恒即位改元曰長慶四年崩太子立是為敬宗皇帝

敬宗皇帝名湛即位荒淫嬖倖用事 ○李德裕獻

丹宸六箴一曰宵衣二曰正服三曰罷獻四曰納誨

五曰辨邪六曰防微 ○上遊戲無度性復褊急宦

官動遭捶撻皆怨夜獵還宮酒酣為宦者劉克明所

弒在位三年改元者一曰寶曆江王立是為文宗皇

帝

文宗皇帝名涵穆宗子也為宦者王守澄所立後改

名昂。太和二年親策制舉人。宦者益橫。建置天子。在其掌握。權出人主之右。無人敢言。賢良方正劉蕡對策。極言之。考官皆歎服。而不敢取。中第者裴休。李邵。杜牧。崔慎由等二十二人。皆除官。物論囂然。稱屈郛曰。劉蕡下第。我輩登科。能無頽厚。上疏乞回所授官。於蕡不報。○太和五年。上與同平章事宋申錫謀誅宦官。不克。申錫貶死。○九年。上與李訓。鄭注等謀誅宦官。不克。注本宦者。王守澄所引。訓本名仲言。又為注所引。得見守澄。守澄薦於上。侗尚氣。有文辭。口辯多權。數上悅之。訓注揣知上意。數以微言動

上。上意其可謀大事。以誠告之。訓注遂以誅宦官為已任。訓既與注勢位俱盛。頗忌注。託以中外協勢。出注鎮鳳翔。進擢宦者仇士良。以分王守澄之權。訓同平章事。請除守澄。遣中使鴆殺之。注始與訓謀。至鎮遣壯士數百入護守澄。葬仍請令內臣盡送。然後殺之。無遺類。訓心以為如此。則功專歸注。乃謀先發。令人奏金吾廳事後石榴有甘露。宰相帥百官拜賀。後勸上往觀。上令宰相先往視。訓陽言非真。上顧仇士良。帥諸宦官往視。士良等既至。見風吹幕起。執兵者無數。驚走告變。訓呼金吾衛士等上殿。僅擊死傷宦

者十餘人。知事不濟而走。士良等命神策兵殺金吾
東卒。執宰相王涯賈餗舒元興等。誣以謀反。腰斬之。
訓之謀。惟元興知之。他相實不知也。自是天下事皆
決於北司。宰相行文書而已。李訓為人所殺。傳首鄭
注亦為鳳翔監軍官者所殺。○開成三年。司徒中
書令晉公裴度卒。度自憲宗時罷相。後無意世事。治
園池。有綠野堂。子午橋等。別墅之勝。與詩人觴詠自
娛。穆宗敬宗時。皆嘗一入輔政。至上之世。亦嘗平章
軍國重事。與時浮沉而已。然四朝將相。威望遠達。四
夷四夷見唐使。輒問度安否。以身繫國家輕重。如郭

子儀者二十餘年。○五年上崩。上即位之初。勵精
求治。去奢從儉。中外翕然。謂太平可冀。然制於宦寺。
竟不能有為。嘗問宰相何時太平。牛僧孺荅以太平
無象。末年嘗問近臣。朕何如。周赧漢獻對者。憮然上
曰。赧獻受制強臣。今朕受制家奴。殆不如也。在位十
五年。改元者二。曰太和。開成。弟穎王立。是為武宗皇
帝。

武宗皇帝名瀍。穆宗子也。文宗嘗立敬宗。子成美為
太子。臨崩欲以成美監國。宦者以為立不由己。廢之。
而立瀍為太弟。遂殺成美而即位。後改名炎。以李德

裕同平章事。德裕在穆宗初為學士。以李宗閔者嘗對制策譏切其父吉甫恨之。搆貶宗閔。自是各分朋黨。更相排軋者垂四十年。在文宗時。德裕為侍郎。裴度薦其可為相。宗閔有宦官之助。遂相。惡德裕逼已而出之。且引牛僧孺並相。相與排擯。德裕之黨尋以德裕鎮西川。德裕作籌邊樓圖蜀地形。南入南詔。西達吐蕃。日召老於軍旅習邊事者訪以險易。遠近皆若身歷。練士卒葺堡障以備邊。吐蕃將悉怛謀以維州來降。維州本漢地。入兵之路。吐蕃得之。號為無憂城。德裕極以得此州為便。牛僧孺以為不可納。以城

併叛將歸吐蕃。誅之境上。極慘酷。牛李之怨自是愈深。僧孺尋罷。德裕入相。宗閔亦罷。宗閔再相。德裕又罷。二黨互相擠援。文宗每歎曰。去河北賊。易去朝廷朋黨。難德裕連被貶黜。及上立。召德裕相之。德裕言於上曰。正人指邪人為邪。邪人亦指正人為邪。在人主辨之。上嘉納。德裕追論維州事。悉怛謀加褒贈。○昭義節度使劉從諫卒。姪稹自領軍府。德裕謂澤潞事體與河朔三鎮不同。河朔習亂已久。累朝置之度外。澤潞近在心腹。若又因而授之。威令不復行於諸鎮矣。上問何以制之。曰。稹所恃者三鎮。但得鎮魏

不與之同。積無能為也。遣重臣諭鎮魏討之。詔曰：澤潞一鎮，與卿事體不同，勿為子孫之謀。使存輔車之勢，鎮魏悚息聽命。二鎮兵與朝廷所遣行營將王宰石雄各進討。

○河東都將楊弁作亂，逐節度使，遣中使馬元實曉諭。且覘之，元實受賂還於衆中，大言相公須早與之節，自牙門至柳子列十五里曳地。光明甲若之，何取之？德裕詰之，辭屈。奏微賊決不可恕。如國力不支，寧捨劉稹河東兵出戍者。聞朝廷令客軍取太原，恐妻孥被屠，乃歸擒弁送京師，斬之。未幾劉稹勢窮，蹙潞人殺稹以降。澤潞平，加德裕太尉衛

國公。貶牛僧孺為循州長史，流李宗閔於封州。

○削宦者仇士良官爵，籍沒其家。先是士良致仕，其黨送歸。士良教之曰：天子不可令閑，常宜以奢靡娛之，使無暇及他事。慎勿使之讀書，親近儒生。見前代興亡，心知憂懼，則吾輩疎斥矣。

○毀天下佛寺，僧尼勒歸俗。

○會昌六年上崩，在位七年。改元者一曰會昌，光王立，是為宣宗皇帝。

宣宗皇帝名怡，憲宗子也。幼號不慧，太和後益自韜匿。文宗好誘其言，以為笑。武宗豪邁，尤不禮之名。為光叔。武宗疾篤，子幼，宦官定策禁中，詔立怡為皇太

叔更名忱。權勾當軍國事。裁決咸當。理人始知其隱德焉。尋即位。○李德裕罷。僧孺宗閔等北遷。德裕三貶。至崖州司戶以死。○令狐絢同平章事。先是絢為學士。上嘗以太宗所選金鏡錄授絢。使讀之。又書貞觀政要於屏風。每正色拱手而讀。嘗與學士畢誠論邊事。誠具陳方略。上悅。曰。不意頗牧在吾禁中。即用為邊帥。果稱其任。上聰察強記。嘗密令學士韋澳纂次州縣境土風物及諸利害為一書。號曰處分語。刺史有入謝而出者。曰。上處分本州事。驚人。建州刺史入辭。上問建州去京師幾何。曰。八千里。上曰。卿

到彼為政。朕皆知之。勿謂遠。此陛前則萬里也。令狐絢奏擬李遠。杭州刺史。上曰。吾聞遠詩云。長日惟消一局碁。安能理人。絢曰。詩人托此高興。未必實然。嘗詔刺史毋得外徙。必令至京。面察。絢嘗徙故人為隣州。便道之。官上問之。曰。詔命既行。直廢格不用。宰相可謂有權。時方寒。絢汗透重裘。上臨朝對群臣。未嘗有情容。每宰相奏事。旁無一人。威嚴不可仰視。奏事畢。忽怡然開語。一刻許。徐復整容。曰。卿輩善為之。常恐卿輩負朕。不得再相見。絢嘗謂人曰。吾十年秉政。最承恩遇。每延英奏事。未嘗不汗沾衣也。嘗名學士

韋澳屏左右問之曰近日內侍權勢如何對曰陛下威斷非前朝比上閉目搖首曰全未全未尚畏之在又嘗與綯謀盡誅宦官恐濫及無辜綯密奏曰但有罪勿捨有缺勿補自然消耗至盡宦者竊見其奏由是益與朝士相惡南北司如水火 ○大中十三年上崩在位十四年改元者一長子立是為懿宗皇帝懿宗皇帝初名溫封郟王以無寵不得為太子宣宗崩宦者立之更名漼 ○浙東賊裘甫起聲振中原觀察使王式討斬之 ○九年徐州賊龐勛起先是南詔稱大理皇帝舉兵入寇陷播邕交趾救徐泗兵

戍桂州過期不代遂作亂勛為糧料判官戍卒推以為主擁兵北還所過剽掠至徐州因殺節度使陷諸郡招討使康承訓擊之以沙陀朱邪赤心為前鋒勛敗死賜赤心姓名李國昌為大同軍節度使尋又為振武節度使 ○咸通十四年上崩在位十五年改元者一子晉王立是為僖宗皇帝

僖宗皇帝名儼懿宗少子也年十三為宦官所立自懿宗以來奢侈日甚用兵不息賦歛愈急水旱不以實聞百姓流殍無所控訴所在相聚為盜濮州人三仙芝起曹州冤句人黃巢應之巢善騎射喜任俠嘗

舉進士不第與仙芝共取私塩至是聚衆攻剽州縣窮民歸之數月數萬仙芝攻陷汝鄭唐鄧寇鄂州陷安州寇荆南與招討曾元裕戰於申州而大敗又大敗於黃梅斬之黃巢陷鄆沂濮掠宋汴南渡陷洪虔吉饒信寇宣州入浙東為鎮海節度使高駢所破遂趨廣南陷廣州出潭州北渡向襄陽敗於荆門復引而南陷宣州自采石渡江已而渡淮陷申州入潁宋徐兗之境陷東都引而西入潼關入長安上出奔蜀巢僭號大齊皇帝諸道發兵赴援先是沙陀李國昌之子克用為兵馬使戍蔚州大同軍諸將謀曰今天

下大亂朝廷號令不復行於四方此乃英雄功名富貴之秋李振武名聞天下其子勇冠諸軍若輔以舉事代北不足平也遣人潛詣蔚州說克用克用趨雲州取之河東招義討之而大敗克用寇忻代逼晉陽已而大為盧龍兵所破蔚朔兵亦討敗其父國昌父子亡走達且朝廷赦其罪召其兵討賊克用將沙陀來賊憚之曰鴉軍至矣連破賊復長安巢焚宮室而遁至蔡州節度秦宗權降之巢趨汴州克用等追擊大破之未幾賊黨斬巢以降 ○克用之至汴州也朱全忠襲之全忠者巢將朱温也先為巢所遣攻陷